


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 4 1939

T 3208 / 323 1. 81

0026



浙江通志卷之三十四

哈佛大學漢和
圖書館珍藏印

人物四

衢州府

吳徐陵

字元大龍游人為縣吏眾所未識會稽虞翻一見即與友善歷三縣長所在著稱遷零陵

太守時朝廷待以列卿之位故翻曰元大受上卿之遇叔向在晉未若干今其見重如此子平字伯元童齒知名翻甚愛之諸葛恪守丹陽平為恪從事禮意甚薄後恪被害其子建亡為平部曲所得平使遣去篤厚為時所稱

唐祝奢

字伯宗江山人隋末喪亂率子弟以保鄉里武德四年為賊李子通執于杭死之李大亮

疏其忠令馳驛昇歸九年詔封其妻陳氏為懷德縣君

徐安貞

名楚玉龍游人善五言嘗應制科一歲三遷中書舍人內供奉二十年除簡較正工部侍郎封東海子卒贈尚書

宋張瓊

字伯玉開化人宋太祖為周將瓊隸帳下嘗以身蔽之中弩矢死而復蘇太祖即位擢典禁兵會殿前都虞侯闕太祖曰殿前衛士如狼虎者不啻萬人非瓊不能統制即命瓊為之時軍較史珪石漢卿得幸瓊輕侮之二人因譖瓊太祖名瓊面訊不伏怒令掣之漢卿即奮鐵搥擊其手曳出下吏瓊即自殺宋主旋聞瓊家無遺財甚悔責漢卿厚恤其家

張昇

字道章開化人為韓城令有惠政為中丞指切時政無所畏避上嘗謂之曰卿孤立乃能如是昇對曰臣仰托聖主致位侍從是為不孤今陛下之臣持祿養望者多而赤心謀國者少竊以為陛下乃孤立耳帝為感動歸老道經韓城民畱者眾遂居焉

慎溫其

西安人事吳越都統軍錢仁俊會程昭悅譖闕璠杜昭達欲奉仁俊為亂收溫其使證之考掠備至堅守不屈吳越王弘佐嘉之擢為國官誅昭悅釋仁俊

徐俊卿

字國梁開化人仁宗朝名對為義井記嘉其才勅授洪州尤精於韜略後戰亡於廣南城金驛子禧神宗朝元豐五年帥師伐寇戰亡於新城事聞帝臨朝慟哭贈柱國少保節度使

周穎

字伯堅江山人受業安定胡公瑗以行義稱與趙抃交游抃為諫官穎移書曰當公心以事君平心以待物無以難行事強人主無以私喜怒壞賢士大夫抃以書進仁宗喜欲用之熙寧初詔舉節行材識守胡邊以穎薦名賜進士第授較書郎王安石問新法如何對曰歌謠甚盛安石喜扣其辭穎高誦曰市易青苗一路蕭條安石不樂出宰樂清穎氣岸雄豪行事似張乖崖門人私謚

正介

趙抃 字閱道西安人由進士為御史知諫院歷參知政事為殿中侍御史彈劾不避權倖京師號鐵面御史神宗即位自成都名知諫院參知政事與富弼會公亮唐介同心輔政每以公議為主會王安石用事議論不協累疏求去除資政殿學士知杭州元豐初請老加太子太保致仕居高齋東南名士多從之遊卒諡清獻

劉正夫 載之子也西安人字德初由進士歷左司諫禮部侍郎轉工部尚書公司諫時方治蔡邕獄引淮南厲王死蜀道事感上遂緩其獄彗星見條陳時政大略重名器輕賦斂戢干戈節賜予選人才惜民力鑒祖宗成憲徽宗嘉納之除少宰旋以使相歸封康國公

何充 字瞻聖西安人由進士起家為宗子博士丞相張商英引之入政典局坐是罷去不調者幾十年後守廣德毗陵所至修築古隄塘卒程俱銘其墓

毛臬 字叔鎮江山人少有節操晚以特恩為欽士曹睦寇攻城官吏皆逃臬曰吾職司寇獄有繫囚誼不可去乃攝州事時二子貢辟雍即遣入持獄印緹城以出令獻于朝城陷臬坐府上賊脇使降不屈罵賊不絕口櫻刃而死妻錢氏弗忍去婦掖其姑又弗忍去卒俱遇害事聞贈朝請郎官其後二人

徐揆 字宅卿江山人游太學預開封府首薦金人至都城揆與太學生數輩上書金人責其敗盟翌日揆又自往或謂曰子特一蕘障江河爾揆曰不然昔燕破齊王蠲義不事燕絕脰而死齊士大夫迎襄王於莒齊之殘民亦感激奮發而田單得以成功今國破主辱可無一士死難乃毅然徑至戎帳出書且讀且責遂遇害紹興初特贈宣教郎官其弟事載國史

周隨亨 江山人進士直龍圖閣紹興間傳宣陝蜀死於閬州亂軍贈忠國侯

毛友

字達可西安人進士少遊太學與鄉人馮熙載盧襄號三俊登第崇寧間為翰林學士方

臘已殘睦欵監司不以實開友具疏奏朱勔怒其張皇遂予祠其謝表曰兩郡生靈已罹非命一道使者猶謂無他蓋宋釀亂蔽聰至於此

樊澥

字德潤西安人父忱登第以廉能稱澥亦登第徽宗欲用之以不附蔡京出守鄱陽後奉

祠老于家

徐敷言

泌之孫也字明可西安人由進士起家為九域志編修官名對稱旨較書秘省擢御

史覆李孝壽所勘衛卒獄徽宗稱善除江東運判番陽民吳氏館客誘其子書不順字持以告并認其藏甲朝命置獄敷言辨其妄吳賴以全俄與同列奏事異同謫監富順鹽井朝廷知其非辜名為吏部員外郎在掖垣七年其後出守越奏罷貢奉物移守婺有惠政名至國門卒篤愛諸弟當任子

先補從子琮書見藝文志

馮熙載

字彥為西安人由進士起家宣和間官尚書左丞至中書侍郎時王黼為相熙載與

之多不叶言者論其不省墳墓以資正殿學士知亳州乞歸田里諡文節

舒清國

字伯原西安人由上舍第進士建炎初自館職轉對為上所知稍遷南宮外郎言入

柄天子所司勿使下移時將鬻命婦封號清國謂若爾倡優妾媵皆得為命婦矣事遂寢權中書舍人議論不合以直龍圖閣奉祠者六年起知道州政務寬大民便之秩滿請祠以卒其子師臯亦守道

徐嘉

泌之曾孫字吉卿西安人性質厚重甫冠登第名對稱旨趙鼎薦嘉文儒宜在清貴累遷

侍御史遂擢二戶部兼權吏書言者論其有黨高宗曰嘉朕親擢安得有是紹興初金亮被屠金人

請和使嘉館伴金使不肯以書授中使嘉閱書以進金人大沮孝宗時守泉徙帥越守平江高宗語孝宗曰是嘗手閱國書者

徐文忠

字正卿西安人登進士第睦寇作里中有欲為亂者文忠輒殺之聞高宗即位南京

乃起義兵勤王遂入大元帥府為記室後上書詆宰相呂頤浩得罪終全州守

鄭仲熊

字行可西安人登進士第為右正言首論抑奔競節浮費定國是總權綱推誠有功

之宿將後為僉書權參政秦檜誣構趙令衿謗訕欲加重典奏仲熊與令衿同里備知其惡上顧仲

熊對曰臣雖與同鄉素不識其人檜失色令衿遂得免死檜使臺諫交攻之仲熊遂力祈退避寓居

蕭寺二十年而卒

劉敏士

正夫從孫字文伯西安人為臨川糾曹賊白檀笠破吉州獨與判官江山柴級保城

岳飛至欲奏其功力辭曰若爾守倅必被罪飛歎服繼宰仁和醫師王繼先奪民田敏士徑還之

徐應鑣

字巨翁江山人咸淳末試補太學生元兵至臨安應鑣誓不屈作文祭岳飛祠與其

子琦崧女元娘自焚于梯雲樓為諸僕救免應鑣不能死與其子女使僕出戶去倉卒莫知所之翌

日得其屍祠前井中皆僵立睜目面如生諸僕為具棺殯之金牛僧舍益王立贈鑣秘閣修撰同舍

生私諡曰正節

祝夢熊

江山人進士為黃巖尉寇警犯境率義勇抗之被執不屈而死

毛附鳳

江山人宋室既遷益廣二王入閩取道江

山元兵急追附鳳與嵩高柴希聖以義兵

蘓幼安

字心德江山人舉明經為衢州路教授歸老時鄉寇犯境甚猖獗欲執幼安去大罵

不屈而死賊憫之遂解去鄉賴以全因立祠祀焉

柴天錫

江山人官司司封郎中時蔡京當國鄭居中說謁之陞擢可待天錫曰不願謁亦不願

汪隨

字仲芳西安人以進士為黎州守方燕時有以洞僚將襲城告者一刻二至隨色不動曰

吾有恩于彼必不敢犯安知非獵乎飲自若果散去曾孫待舉中上舍第歷守建昌興化括蒼惟一

江汝度

字致一開化人桐廬尉會方臘竊發死事特贈通直郎官其子蹊蹕

趙汝標

字津叔開化人蘄州僉判嘉定壬午春金兵圍蘄州城三日救兵不至與守臣李城

鄭巖嵩

字如山龍游人淳祐間伏闕上書為定遠簿居母喪日誦孝經德祐乙亥歲饑發粟

徐徽言

字彥猷西安人靖康初遷武經郎知晉寧軍建炎時河東皆已陷沒獨晉寧屹然孤

墉橫當強敵城垂陷置妻子于室中積薪自焚按劍坐堂上慷慨自若金兵挾以去說誘百出嫚罵

不已金人知不可屈遂射殺之事聞高宗撫几震悼顧宰相曰徐徽言報國死封疆臨難不屈忠貫

日月過於顏真卿段秀實遠矣贈觀察使諡忠壯徽言子岡同死而從孫適亦以守安豐死之蓋世

毛注

字聖遠江山人時蔡京擅國注首疏其罪凡十六章京罷未去國會星變注復抗章謫京于外星果退舍徽宗悟擢右司諫又論童貫盜主威權貫乘間譖注遂奉祠歸繼又斥謫後贈諫議

大

趙希澗

字無垢江山人帥閩亢旱累得詔航京粟二十萬斛入閩全活一路

毛隨

江山人建炎中被名言禦戎上策莫先自治宜保天險修戰備宜定都勿輕動則士氣日

矣壯

毛奎

字世高西安人由進士為閩曹張元作亂力疾諭之被害血流如白乳見龔頤正忠義錄

方允武

西安人建炎三年金人侵邑之境允武率戰愈力遂死於梅嶺贈秉義郎官

其二子唐卿虞卿後俱至正副使

梁弁

西安人由進士官御史雅與趙公抃布衣交秦檜以弁同年名除御史意使承風旨弁曰

臺諫天子耳目安得為人作鷹犬稱疾丐祠

梁揔

字貴全西安人為浙西憲平丹陽盜救嚴陵荒以戶部侍郎使金出國門孝宗宴駕揔即

凶服渡淮金人逼之易服總毅然不變金人燕必張樂至其廷必簪花講射揔皆移文豫辭之曰寧

死不受金人嘉歎之悉如所請

何新之

西安人官編修選唐宋詩為詩林萬選行世後知終安軍死節

周自強

字勉仲江山人入棘寺三十年繇刑侍帥廣先是任嶺南外歿者妻若女或流落為

人婢自強奏請官為嫁之又置接濟庫計口給錢米使其子孫得出嶺南且慮不能久乃以已俸買

田三十頃聞于朝刻石著其事

鄧熹

江山人客遂昌之梭溪有勇略睦寇之黨洪戴犯遂昌松陽熹父昌時合鄉民禦之大小

百餘戰戴降遂全三邑父子皆授官

劉章

江山人廷對高宗親擢為第一授左承議郎是歲郎入館皆特恩也任普安恩平兩王府

教授者四年以故受知孝宗秦檜當國惡不附已諷言者劾罷檜死名為郎遷從官御史奏章使胥

吏買絹高宗愕然曰劉章必無是事御史執不已以祠歸孝宗遣使問政卒諡文靖

江躋

常山人為御史論事以正心誠意為本紹興初率全臺攻丞相朱勝非更五六疏忤旨一

時俱罷後高宗思之賜手詔以司農卿名未及用卒

江少虞

字虞仲常山人天台寇至守倅皆遁去少虞獨率弱卒堅守兩旬慷慨感激人有死

志首射殺渠魁賊遂潰歷建饒吉三州守治狀皆第一丐祠家居

徐汝一

字伯東開化人居芹川文武兼資好謀能斷景定二年以戰功累陞通州守因忤賈

似道得罪歸至鎮江疾卒

柴瑾

字懷叔江山人師徐存登第倅鄱陽歲饑惡少嘯聚發民廩瑾以常平米賑之郡守難焉

瑾曰勢急當權宜設有咎願自執之攝州又為奏免買芻炭與丁礬錢

元魏亨中

開化人至元丙子起義兵從陳宜中浮海以死至正十三年太原趙起岩來尹邑按

圖志得唐魏暮宋趙抃江景房程俱鄒補之趙汝標及亨中七人因學東有亭三間遂葺以奉祀魯

貞為記

明楊添

字文益西安人元末隱居構柯山書屋著書賦詩明洪武間任道州守兵揭奚等賣放囚

賊具本面奏太祖嘉其洞悉民隱慰還已令祥符強民李四漢挾官害民添按捕解京四境肅然以

裁抑貴戚被誣坐貶巴縣尋卒于官

周廣中

字子容江山人洪武庚申雷震謹身殿三上章不報遂懇致仕後以直道死權奸聞

者偉之事
載彰善錄

柴德載 江山人主事以剛直忤權奸胡惟庸而死

金玉鉉 開化人常山縣學生洪武間應徵拜官永樂初以直諫死

余春壽 開化人薦舉任知縣有學行能擊貪暴抗權右卒以是罹禍陳敬宗哭以詩

汪益民 開化人居榜七賢堂元亂不仕明初詣行在獻策歷陳開國紀綱太祖嘉納之尋名

赴闕勅授慈利丞守官廉介任滿乞歸太祖憐其貧解龍袍賜之仍命有司優給衣食

葉貞 字惟正西安人由永樂進士授翰林庶吉士預修大典拜監察御史彈劾不避權貴轉江

西按察司副史寧藩怙勢多不法貞力繩之被誣逮治成祖燭其非辜超拜副都御史益厲風裁尋

遘疾解縉等省之公曰君恩不能補報言訖拱手而歿

周文興 字用賓江山人進士官鴻臚正卿致政歸十餘載後累被徵復棄職歸山堅不出士

大夫咸高之巡撫阮鶚為起高士堂

宋玘 字玉成開化人官刑部主事未幾制歸哀毀致疾十載始克起復依例改判雲南澂江適

征勦源徠玘連歲督餉不憚勞勩繼有土官爭襲賂白金三百兩却之以實聞秩滿還家邑東要津

民病涉玘與侍郎吾紳建通濟橋及亭至今民賴焉

何永芳 字廷蘭常山人永樂中進士令邵陽持身廉謹歲荒名富民勸輸以米數萬濟饑民

存活甚眾巡按山東所至明憲紀臬司違法者劾奏就逮巡按蘄州倭寇劫掠嚴為之備寇不敢犯

巡按江西豪強斂迹陞鹽使少保于謙薦陞按察施設適宜民懷其惠

方豪 字思道開化人英俊奇偉援筆成文與何大復黃蓮峯鄭少谷諸名輩不相軒輊由進士

出知崑山沙河兩縣為治寬簡轉刑部主事員外
諫武宗南巡廷杖幾死世宗立賜以白金加俸一
級審錄山東以平恕稱推湖
廣僉事轉福建副使而卒

陸和 字子達江山人御史巡按中外凡九年百司
戒飭勦敵降俘塞道立朝抗疏直言甚禪治
體京師號
小鐵面

胡誠 江山人舉于鄉為兵部主事職方員外大司
馬金文清公征遼出師獻策馬首奏為前鋒
素知兵畫策屢
中凱旋錄功

何同 龍游人繇人才歷監察御史誠樸寬厚鞠問
獄情每存欽恤嘗曰求生于死者不得則生
者與死者皆無憾立朝正
大肅清風紀士論韙之

許堪 龍游人歲貢監生授御史時工部尚書宋禮
欲於寧陽築壩遏汶水盡入漕河公疏獻策
禮從之疏洩衛河至海豐大古河入凡四百五十
七里自是漕輓京師罷海運其功最大知開封嚴

明剛決吏不容奸卒于官為守三年所
餘惟俸資七金而已郡民思而祠之

周任 江山人登弘治進士為莆田令歷刑部主事
至梧州守師事楓山章先生講論經理潛心
體究預修孝宗實錄時逆瑾用事誘以殊擢不聽
武宗南巡陸震以直諫下獄抗疏救之師友如王
陽明夏敦夫魏莊渠講明理學務求真
是弟積飭躬砥行著書十餘卷行于世

祝品 字公叔龍游人正德甲戌進士刑部主事武
宗久不視朝遊幸西苑信任權貴朝士鉗口
品在刑曹上書直諫逮獄尋貸之
督學嶺南巡視海道風裁屹立

毛洪麒 字伯祥號露山龍游人嘉靖丁未進士令
番禺以忤監司左遷為常德廣平倅全活
饑民甚眾司馬贛州賊首章璉叛亂練兵進討直
搗賊巢遷備兵豫章輯寧奏績倡明理學居鄉議

建龍洲塔起鳳翔洲神廟為水口障邑士人深利賴焉

毛愷字達和江山人清潔剛介不染一塵和易春量足稅額便開關聽木商舟筏建瓴而下千商驩聲如雷晉刑部尚書齋厨蕭然孫允讓以蔭子官

刑曹守辰州有祖風

趙鏜字仲聲江山人督學南畿適嚴分宜擅政夤緣干請一切謝絕品題較士不爽尺寸內閣

申瑤泉許穎陽王荆石皆一時所首拔士尤徵其藻鑑云逮荷殊眷協院事條六事以獻未幾乞身

歸里時江陵拜相公與同年同館不通一札性孝友置義田恤貧族修家乘所著有畱齋漫稿行世

鄭辰字文樞西安人由進士授監察御史以冰玉山西摧強暴禁私買鋤奸貪撫安亂寇陞工部左侍郎督理海船轉兵部侍郎宦四十年始終一節

卒奉勅葬祭

周洪字大猷西安人由進士知易州化剽悍之俗幾三千晉刑部讞獄明慎雪怨家誣州官冤滯所賴全活者甚眾出知安慶府新學宮督課諸生不倦平反枉抑掩捕寇盜以廉能著卒于官

鄭林字伯森常山人給事中正色立朝遇事敢諫劾駙馬都尉石璟廢為庶人抹都督孫鏜得追其誅天順間石亨不軌鏜誅之其知人之哲匡國之功昭著簡策陣法之奇尤為少保于謙所嘆服云

徐海字伯容常山人知無錫縣有權貴強奪民田審實申理巡撫艾璞知府曾大有力主其議海司理應天權貴賄劉瑾復訟前田勘言希旨三人被逮瑾誅復起南刑曹轉僉廣西調任貴州征

浙

浙

浙

浙

浙

浙

浙

浙

勦香爐山叛寇有大功焉轉蜀少參拂袖而歸

徐良椽字亦村常山人壬午舉鄉薦治邳縣歲大

不能阿當路意旨拂袖而歸士論高之

徐鑾字用和開化人甲戌會魁官御史刷卷江西

立朝五月而卒

許胆開化人進士知甌寧治有惠政管理山東泉

牌采段之賞逆瑾用事欲求賂不聽遂以疾歸卒于家

徐珪字良璧開化人中鄉試天性孝友與弟瑳同

志冢宰馬考風憲第一擢令羅源平海寇築城垣修縣志陞欽州守有惠政造景震堂以自勵時欽

民以魚為業前此賦煩而魚去珪反其政魚復還

民為建還魚亭以誌之有謠云潮陽鱷欽海魚魚

利再興鱷害除蓋戴之若韓公云未幾以疾乞歸侍講趙永志其墓

宋淳字德完開化人嘉靖乙未進士八歲能文與

反允當晉太平郡守治稱循良督兵羅旁獲賊報捷撫贛江漳弭寇安民晚居林泉賑恤宗黨游心

古藉寄典詩文

鄭大經字正之西安人父權遊京邑道拾遺金訪

士司理常州清理軍餉十蠲其三署篆潤州時州

懼倭閉門經命開門縱民出入賊知有備不敢窺

補任順德訊滑縣小盜原非劫盜稱神明擢吏科

給事中具疏攻權貴鷹犬奸邪切齒直聲大震

仕工部營繕司主事上疏請緩壽宮諸興作并請
停功德寺行宮先是修慈寧宮度支四十八萬有
年經營告成纔十五萬建潞府計貲六十萬有年
條其事宜減省大半轉太僕少卿介立不倚特受
主知居鄉遊覽
間適不與塵務

余國賓

字叔賢西安人生而穎異九歲能文萬曆
甲戌成進士授刑部主事有緹騎攜妾

居夜為盜所殺妻妬其妾誣以刃主國賓冤之擲
其筆司寇取令別讞磔市羣盜旁觀稱冤憤而自
首司寇削秩問官謫戍衆服其神明出守濟南簿
案填委迎刃立解辛巳均田籍復故額不效旁郡
虛增邀名備兵易州增置敵臺城砦歲稔築室招
撫流移至今名為余村按察江西轉右藩捐諸羨
鏤歸老
而卒

徐一楨

字汝材西安人辛未成進士初治易師事
余國賓遂以禮名家初除寧國摘猾吏抵

罪三十餘人調劇丹徒戴星出入海潮灌田舍割
俸築堤捍之邑田有官有民有山有沙履畝而上
下之歲豁丹徒運米二千金晉吏部歷考功掌選
却苗淳然之餽據法左遷苗露章劾之事白而苗
除籍性孝友父母愛少子承順其意一切俸
積盡與弟倡造宗祠又置祀田人稱其義

徐日久

字子卿西安人遂心史學上下千百年事
洞若指掌庚戌成進士令上海以庇民忤

漕院被謫實省民間米七千餘石銀八千兩有奇
尋補江夏築三堤以便民鑄三鐵牛以鎮堤使不
傾圮凡利害關民生者無不興廢無遺以循良異
等擢駕部郎叅大司馬軍因疏劾邊將馬世龍失
律喪師忤璫前奪歸里璫敗臺省交薦起官巡視
閩海時海氛肆焰當事束手日久至相機調度撫
鄭之龍折李之奇沉鍾斌而海難悉平遷山左

臬憲道病歸卒于家朝廷嘉其功贈光祿寺卿

余懋中

字德懋西安人萬曆庚辰會魁性資警敏
過日不忘司理淮安開永濟河分較應天

尋改汝寧選授湖廣道御史轉巡閩海朱均旺預報倭兵入犯撫院以誕妄置辟懋中議釋之嚴加防禦後倭人窺閩有備北犯朝鮮而閩賴以安父國英治徐沛高郵有功可紀

楊希聖

字恆初西安人戊戌進士幼穎悟善誦記平生攻苦茹淡飯止脫粟奉差歸虎林織

匠以千金壽御之蓋聞清獻之風而

典起者雖年不永文行已著于時

徐沆

字靖之號淳齋西安人嘉靖庚子鄉薦知河

南裕州改四川巴州性專壹不問塵世事讀書廢餐亦不目覺其餒也博極羣書督學華亭徐階目之曰書厨計階邸中每夜睡口誦史鑑數十

卷一字無漏鄰友穴窗窺之大駭服歷任兩州不染絲毫林下三十載壽九十一七舉大賓極為臺

憲郡邑所推重

徐世蔭

字爾繩號竹孫開化人萬曆乙卯舉于鄉

天啓乙丑成進士授南兵部車駕司屯衛

軍多冒濫大司農將釐剔之諸軍譁而圍其署蔭

聞單騎馳之片言立解出守鳳陽晉兵備常鎮時

有宜民之變公往定其亂司臬閩中時內臺薦清

廉第一遂擢為安廬巡撫流寇披猖晝夜登埤調

兵措餉日無寧晷凡三閱月奉旨解任家

以孝友敦朴式訓鄉里卒年崇祀鄉賢

徐應秋

字君義西安人幼耽書癖承大中丞棟之

藏漁獵殆盡釋褐後兩令劇邑委蛇之餘

手不釋卷擢儀部郎以體骨不媚家食數年閉戶

丹鉛無虛寸晷尋賜環名典粵鄉試所雋皆一時

才望巡視閩海陞左藩伯政蹟甚著以不遂

要挾中弋歸里著書十餘卷為世所傳誦

徐日曦

字闇仲西安人天啓壬戌進士廬州司理

少精制舉業師事顧涇陽先生為文沉雄

博大授廬州府推官讞獄平反有政聲尋以辨汪

心淵之誣忤璫削奪歸里後璫敗事白補松江府

司理聽訟益明決撫按交章特

薦方內名隨卒于官尤精書法

人物

周一敬

字問寅西安人崇禎戊辰進士勵精政事

能著蹟拜御史督學臨洮鞏昌釐陳時事舉核二

百餘疏謫降偃仰郎署者年餘尋賜環召巡按蘇

松常鎮激揚具有異政力排馬士

英幾罹危禍其所著書尤多焉

葉應昌號期泰西安人由鄉選歷任太僕卿禔躬

輪解者多至傾家公不以官故所免慨然曰吾不

忍自逸以病同里上疏乞假以盡急公之義因請

于司農張慎言題

允改折永除民害

呂之節

字次公龍游人天啓辛酉鄉薦以新昌教諭擢廣州同知廣州地處嶺表不逞之徒

往往煽亂公密計討捕鷹眼隨化尋擢嶺南道叅

政粵東盜賊蜂起節因時制變民賴以安未幾旋

里七十

蘇歲卒

余日新

字君又龍游人明敏有異姿力學好古為

據不令闕乏旁及昆季皆仰給焉成崇禎甲戌進

士令漳浦治行為諸州最壬午擢監察御史巡按

山東時方被兵新單騎至即登陴拒守旋底定上

章薦起名臣劉宗周等彈劾司馬陳啓新每言人

所不敢言後加太僕卿偃

仰林泉及歿從祀鄉賢

徐可求字世範西安人壬辰會魁性善解悟不事

後方于野外尋屍以誑求命告者隨車相驗事屬

烏有人服其神明擢選部持正不阿轉太常督撫

四川為臺省二使召土兵激其變盡

節軍中諭祭一壇勅葬爛柯山麓

汪慶百

字元履號生洲西安人明萬曆進士天啓

反覆君父大義人謂無慚骨鯁云典試閩闈所得

常轉廷尉多所讞雪甲戌擢樞部會儒帥逗畱失
事自陳劾罷南都冬官闕員銓部以慶百聞居一
年乞骸歸

皇清余恂

字孺子龍游人太僕日新仲子生而穎異
每試冠軍歲辛卯拔解首文出人爭購誦
風氣為之一變壬辰成進士考庶常授翰林檢討
一歲三遷游歷左春坊左諭德至性純孝乞歸省
不可得每于宰執前涕泣陳情語聞于上丁酉典
試入闈所得皆寒苦知名之士事竣過里門遂引
疾固請會丁內外艱服闋以疾乞休林居二十年
郡邑利弊悉心講求清操自奉不異寒素卒後合
邑士民與四方知交
聞之者無不隕涕

聖裔 附

宋孔端友

徽宗朝襲封衍聖公靖康之變金人入犯
端友與從父開國男傳扈蹕南渡賜家于

衢以下皆聖人後裔以其一系相承
不便分析故不別各代總敘于此云

孔玠

紹興中襲封衍聖公高宗詔以衢州學為家
廟計口量賜田畝除蒸嘗外均贍族人並免

租稅八年六月壬戌賜
田五頃奉先聖祠事

孔楮

紹興中襲封衍聖公孝宗淳熙間召入
侍祠貌似先聖玉音嘉獎擢知建昌

孔文遠

光宗紹熙中
襲封衍聖公

孔萬春

理宗寶慶中
襲封衍聖公

孔洙

理宗淳祐中襲封衍聖公宋亡家居不仕元
世祖至元十九年立孔子後廷議寓衢者乃

其宗子名赴闕載封歸魯奉祀洙以廟墓在衢不
忍舍去義讓封爵于曲阜宗弟治承緒世祖曰寧
違榮而不違親真聖人後也自端
友後六世衍聖公其罷封自洙始

元孔思許 未仕

孔克忠 任福建福清州學正時元亡明繼克忠以至聖嫡派得受恩例

明孔希路 任福州岳山書院山長

孔議 不仕

孔公誠 鄉飲正賓

孔彥繩 弘治十八年正月三十日守臣沈杰以衢州孔子家廟自孔洙讓爵之後衣冠祭酒

混同流俗奏准查勘孔端友嫡派子孫

孔承美 正德十四年襲封翰林院五經博士主奉祠事

孔弘章 襲封翰林院五經博士

孔聞音 襲封翰林院五經博士

孔貞運 襲封翰林院五經博士

孔尚乾 未襲封卒

孔衍楨 襲封翰林院五經博士

嚴州府

西漢朱買臣 字翁子相傳壽昌人然亦無考事詳名宦

東漢方儲 字聖明丹陽郡人即今淳安縣嘗講孟氏易建初四年舉孝廉除郎中出為句章令

歷阜陵陽翟二縣遭母喪負土成墳哀毀過禮致鸞鳳紫芝白兔之瑞元和初舉賢良方正對策第一

拜議郎轉洛陽令加太常永元五年郊祀儲言天有變宜更擇日和帝不從其日風景明淑詔責

其欺罔因飲鴆而卒須臾電如斗死者千計使名儲儲已死追贈尚書令封黻侯為歸其喪兄齊弟儼俱有文學

晉方操

字持志淳安人磊落方正英秀雄威孔羣嘗奏操執心正直積德慈仁累官至諫議大夫尚書僕射封上虞縣公

陳周文育

字景德壽昌人少孤貧陽羨周瞽養為子教以書計育曰誰能學此取富貴但有大梁耳遂教之騎射大悅既壯從武帝討侯景為軍司馬梁承聖中以功累遷散騎常侍徐嗣徽引北齊寇江命育禦之斬鮑碎却嗣徽進爵壽昌縣公熊曇郎貳于王琳謀害育育推心撫之遂為所害帝聞之舉哀贈侍中司空諡忠愍高祖嘗曰周侯交不擇人而推心太過非全身之道也卒如其言子寶安亦有武功襲父封爵諡曰武功

隋陸知命

字仲通吳郡富陽人也性好學以貞介自持陳滅歸于隋會高智慧等亂晉王廣召令諷諭反者知命說下賊十七城以功拜儀同三司復用其弟恪為沂陽令知命見天下一統勸高祖都洛陽歲餘授普寧鎮將煬帝嗣位拜治書侍御史侃然正色為百僚所憚帝甚敬之齊王暕頗驕縱知命奏劾之暕竟得罪遼東之役為東曉道受降使者卒于師贈御史大夫

唐吳少微

淳安人與武功富嘉謨相友善長安中擢進士第俱尉晉陽又有魏郡谷倚者並富文辭號北京三傑時天下文章尚徐庾浮俚獨少微嘉謨本經術雅厚雄邁人爭慕之號吳富體預修三教珠英以韋嗣立薦並為左臺監察御史子鞏開元擢第為中書舍人唐詩品彙載其人白雲溪詩一首綺麗錯鮮不傷雅道亦能世其弓裘者也

李頻

字德新睦州壽昌人少秀悟尤長於詩擢進士第遷武功令畿民多籍神策軍驕橫吏不

敢繩以法。頻至有神策士尚君慶通賊六年不送。頻卽械獄盡條宿惡請於尹殺之。豪猾屏息。縣大治。有六門堰者廢五百五十年。方歲饑。頻發廩庸民浚渠。按故道通水。溉田穀以大。稔懿宗嘉之。擢侍御史。守法不阿。狗累遷都官員外郎。表丐建州刺史。卒于官。喪歸。父老相與扶柩葬。永樂州爲立廟。黎山歲祠之。

五代童顏

淳安人。素以勇力聞事。吳越多著勤勞。拜西扇都巖將。今墓在淳安縣仁壽鄉。

魯僭

字淑大。與錢武肅王鏐有舊。乾寧間。董昌兵出。居民驚竄。僭約集鄉勇。得入百人。與武肅合兵。破昌。因以僭爲領軍長史。天福間。陳珣亂。復破珣。章口山下累晉光祿大夫。上柱國。賜勅劔。鎮守青溪。平易近民。卒於鎮。仲子榮代鎮青溪。及吳蜀南漢俱平。忠懿懼謀歸守。榮義不忍從。太宗命忠懿以手扎招榮授寧武軍節度使。尋充北路都招討使。從征太原。晉封幽國判徐州卒。

宋俞萬頃

字九疇。遂安人。仕吳越爲武林檢察諸軍事。左右親軍莫不敬憚。後入宋。遷侍御史。直言無隱。改授戶部侍郎兼榮祿大夫。賜武強官田二十頃。

俞元嘉

遂安人。萬頃之姪。初仕吳越。入宋。遷紫宸殿封章司事。民間利病以時奏聞。略無凝滯。太宗卽位。以老乞閒。名見賜緋魚袋。中奉大夫致政歸。

鄭榮

字光遠。壽昌人。幼聰敏。有才思。七歲能文。登天禧三年進士。天聖初。使契丹。不辱。君命授崇寧令。丁父憂。服闋。起知衢之西安。廉能。才幹。深得民心。旣而卒。于任民撫柩。攀號護送。其喪回。

方仲謀

字公輔。淳安人。登進士第。剛直。自持。仁宗奇之手。詔褒美。出爲歙州推官。時戶稅不以式。仲謀力爲辨之。繼擢大理丞。知溧陽縣。累官殿中丞。仲謀稟性貞介。而文藻蔚然。所著有雉山集。羸二十餘卷。

商瑗 其先汴人僑寓西夏為都知兵馬使嘉祐六年因奉使歸宋奏獻機密事上嘉其忠賜田里於淳之芝山子孫因家焉以廕補官者三世明三元文毅公其裔也

余九齡 遂安人熙寧進士時先聖像在長壽院西廡遇者忿焉九齡力請易地遷之因建為學累官至中奉大夫

吳儔 字子友建德人幼穎悟熙寧初中賢良方正直言極諫科有讀書樓雙臺存焉

王昇 字君儀建德人博洽多識以尚書左丞山陰陸佃薦遂歷禮官晚以徽猷閣待制還里知術數紹興二年無病而卒年七十九

方蒙 字逢原桐廬人與弟鼎俱登進士而蒙尤有聲元祐間為殿中侍御史

鄭彥 字季英壽昌人治春秋淳祐進士乙科擢崇陽尉再任青田丞滿除真州司戶居官以誠

愛為本所至有聲授宣義郎國子監丞卒

王古 字敏仲嚴州人自貳卿出守會稽成都紹聖四年謫守宜春春天性慈仁政舉綱領而已

江公望 字民表建德人崇寧初任左司諫時陳祐論曾布罷去公望入對曰諫臣養之不可

不素用之不可不審聽之不可不察去之不可不慎時以為名言復疏劾蔡京坐貶天下高之紹興元年詔贈右諫議大夫官其後二人弟公著公佐等前後皆登進士

詹良臣 字唐公遂安人敦厚有節操宣和初年七嶺且犯處守貳俱遁良臣以數百人獨嬰守或勸其去良臣曰食焉不避其難縱不勝敢愛死乎率

弓兵出禦之力不敵被執良臣怒罵賊志怒割其肉使自啖良臣且吐且罵至死不絕口賊平事聞贈通直郎官其子三人後累

加金紫光祿大夫諡忠節

翁開

壽昌人登政和五年進士官和二年攝青溪尉方臘寇起領所部與賊戰不勝被執罵賊

而死郡人鄭範為之傳

邵大受

淳安人員外郎煥之從子也政和進士仕至刑部侍郎立朝謇諤不畏強禦

方慤

字性夫桐廬人性至孝父死廬墓飲食寢處皆如禮慤註禮記集解待制王儀之為之序

政和三年領鄉薦至京師遊上庠表進禮記解於朝詔賜上舍釋褐頒其書於天下及居官所至以剛廉稱朱文公嘗曰方氏禮記解儘有說得好處

不可以其新學而詆之也後陳澹為禮記集說多引慤解明修禮記大

全亦往往見採焉

方閻

字彥和淳安人年十八膺鄉舉與從兄閻弟

弟夢有告以七竅比干心者後方食藕一士子來日一枝西子臂閻閱遂以此對士子詢其姓名書

於几口特賜進士出身方知為徽宗臨幸歷右文

殿修撰至金紫光祿大夫閻為朝請大夫判南京國子監閻為太僕少卿至銀青光祿大夫世美之

日兩浙三方天下無雙蓋以閻閱兼稱之也童淑壽昌人身長八尺面如紫玉赤睛虎鬚有膂

力能挽強弓宣和中童貫討方臘淑從征有功擢殿前將軍建炎初汪來一來二寇亂閻越

命淑討平之授江南東路安撫使卒贈太尉方庚字彥通萬平鄉幫源人宣和間擒臘寇破兀

郁文思文韜淳熙間金人入犯又聚義兵敗之俱授承信郎文郁為進義校尉知桃源庫務

葉鑛字勉明學通經史有文武才宣和二年青溪方臘竊發與龍溪洪基護鄉井有功授忠訓

郎瑞州軍馬都監靖康二年金人犯京師與王時雍守東壁粘罕攻城急鑛守禦甚力歿于王事

余宗德遂安人勇力絕倫方臘始亂招之不從及王師至與同里王功王馬余木杓等自請

為先鋒寇平宗德授秉義郎功授承忠郎馬與木杓堅辭不就

葉義問字審言壽昌人登建炎二年進士初仕即

米賑饑擢侍御史陞吏部侍郎時相主和議兵備寢弛義問奏急務六事請預備金患尋除兼尚書

陞樞密院同知使金還進知樞密院事金主亮窺

江上命視師江淮御書義問到處如朕親行入宇

於旗賜之遂有采石之捷孝宗即位封新安郡侯

資政殿學士義問登政府所得俸祿盡周故人賢

士無貲治第寓衢州菴舍以卒諡忠簡

馬大同字會叔建德人登紹興二十四年進士以

不然明日謂宰執曰夜來馬大同奏對朕與之辨

論凡不然朕說者有三氣節可嘉學者稱為鶴山

生先

劉晏建德人初入遼舉進士為尚書郎宣和中率

遼東兵號赤心隊建炎初從劉正彥擊賊淮西及

金人犯建康杜充兵潰群寇犯常州晏出奇破之

後追擊賊戚方於宣城為賊所害贈

龍圖閣待制立廟死所官其子四人

錢密淳安人與弟密俱讀書尚氣節宣和中方臘

炎已酉兀术大舉入犯高宗幸海道金兵犯臨安

沂江而上密與邑人方庚率民兵三千至桐廬

縣西牛頭山據險邀擊大敗之金眾隨北遁以功

各補承信郎頃之衢寇張花項犯歙逼嚴境又率

兵敗之後卒於家部使者列其功立祠於嚴賜廟

英烈紹定癸巳復賜爵乃封密為惠顯侯密為惠

侯濟

葉三省字景曾壽昌人以太學生釋褐仕為中書

舍人一歲五遷歷尚書右司郎中建炎扈

浙工通志

卷之三十四 人物

二二二

從陞左司除起居郎擢給事中以直龍圖閣知宣州丐祠用太后回鑾恩封遂安縣男

胡一之字貫道淳安人與姪南逢齊名同登紹興

南逢不附權要官至閩州守淳熙所賜誥孫拱辰寶藏猶存

胡國瑞一名彥嘉字嘉言壽昌人登崇寧二年進士以博洽稱大觀初修九域志尋為編修

官時奔競成風國瑞獨以在館為樂宣和寇起命國瑞為鄉導勦之累官吏部侍郎與丞相秦檜為

姻家而力排和議乞斬檜以謝天下聞者壯之郊恩讓其弟國士再郊復澤其兄子儔而後其子家

居開義學有贍士田鄉人德之

王縉字子雲分水人天資純孝與諫議江公望皆以風節顯擢侍御史遷右司諫知無不言高

宗嘗以中正不阿得諫臣體稱之退歸幾二十載恬然自樂年八十七卒

鄭采翁

字季華性剛果好讀書屢試不第學兵法元人圍臨安遂倡義勤王港口朱天錫等

應之收集鄉兵義聲感激人皆效死俄京師失守兩宮北遷元帥唆都陷建德府安撫方回降遂犯

白沙渡采翁率所部拒之數力戰兵敗被執仗義不屈死之

詹至

字及夫建德人父安為鄉先生躬教四子皆登進士至其仲子也孝友敦義於書無所不

讀尤喜推原歷代理亂之故其學以躬行為先建炎初通判鞏州敵將壓境郡守假他檄去至合民

兵七千餘人訣家人死守城賴以全紹興初詔有事明堂至奏請移費佐軍議雖不行識者偉之張

思獻公督師辟至掌機事以功除直秘閣忠獻去國至不復用丐祠歸累官中奉大夫封建德開國

男詳載南軒先生墓誌銘

方有開

字躬明淳安人少侷儻有大志嘗遊荆襄觀形勢謂吳蜀偏重荆襄居中為用武之

地因上聯形勢講攻守闢田疇建府衛四篇孝宗大悅轉司農丞遷運判淮西著屯田詳議以獻當國者沮之有奏議五卷詩文十一卷朱文公嘗為書萬溪書堂四字故自號溪堂云

胡莊字吉卿建德人擢江淮總幹補將仕郎乾道辛丑水旱相仍饑殍甚眾莊以已之山林縱人樵採民賴以生子從龍夢龍天錫皆有名

洪彥華字叔炳淳安人登淳熙進士蒞官治民專務德化其宰茶陵值歉歲悉心撫字民無

流亡及宰上饒政如茶陵時真文忠公德秀嘗薦之累官至朝請大夫知興化軍

胡朝穎字達卿淳安人乾道八年進士歷武昌令

真之法移書謝云以天子之命官撻宰相之童僕罪當避位清之得書以聞帝喜曰得一佳士矣除

守岳州兼湖北提刑嘗以道自任有靜軒集三卷武昌雜詠西湖百韻詩餘各一卷

洪璞字叔玉淳安人仕為鎮東節度推官陳備邊

守官數十年而無屋可居舉家三百指而無田可

養堪應節操方正可備獻納科未報而卒所著有

省堂文集

詹駉字晉卿遂安人淳熙二年擢狀元度宗賜詩

方恪字德奎淳安人紹興中領鄉薦仕為秘閣校

官歸

童堯民遂安人紹興進士累官至右正言以言事忤韓侂胄罷歸

俞汝霖字季澤遂安人深沉有志略慶元初辰州

與將官入洞生擒猺人燬其巢穴而還又捕獲九

促錢糧綱運累官至都轉

詹阜民

字子南遂安人累官宗正寺丞兼駕部郎中知徽州府有惠政與朱文公同祠焉

邵源

字應昌淳安人開禧進士嘉定間宰郟城遷江東廉訪副使弟該字應隆登寶慶進士主

定遠縣簿兄弟皆有惠政

鄭穎

字茂叔壽昌人登嘉定十年進士時相開邊薦參謀官知政事穎抗論政府非賞功之地

命遂寢守嘉禾以理卿名言者沮之其子疇為大理評事會時相以意嫉邊守下之理必欲死之穎

為疇曰殺人以苟容如天理何疇奉法如穎教竟以忤歸穎笑曰是足為吾子矣竟不復仕

洪夢炎

字季思淳安人過目成誦登寶慶元年進士為桃源酒官端平間禁軍構逆命夢炎

撫諭既受旨索飲至醉徐以單騎入軍或引斧斫其導卒血濺衣襟而色不為動諭以逆順皆安堵

聽命會高沙軍變仍命夢炎綏撫至維揚闔帥趙

葵詭以指日破城夢炎曰攻討者制闔之大義撫諭者天朝之至恩葵深躓之遂入城宣詔開以自

新之路一軍以安轉武學博士時從兄揚祖為太博宰相范鍾謂之曰難兄難弟乃武乃文

復以其有方而才將大用未幾卒於任

徐梅龜

字耀叟壽昌人登進士第授安豐軍霍丘縣尉端平三年元兵犯境梅龜親率土人

王鎔等扎寨安楊諸山隣境亦賴以安嘉熙元年元兵又至梅龜身先士卒俘獲甚眾次年春元大

舉入梅龜與戰不利顧謂其子尚古曰彼眾我寡有死無貳汝其行乎尚古曰大人既能死忠尚古

豈不能死孝乃轉戰益力至黃家渡皆遇害淮西制使以聞理宗震悼贈宣教郎知霍丘縣事官其

一子汲古進武校尉尚古贈承信郎亦官其一子肅進義校尉梅龜夙以文名嘗著春秋指掌圖若

干卷行於世

吳德洪 字長翁淳安人淳祐進士歷官金部員外郎遇事激烈多與俗忤元兵入臨安德洪

抗節而死弟雄飛秀整端重與兄齊名亦登景定三年進士累官太常寺簿夙與李芾友善以忠義

相許國亡募兵赴難時論痛之子必大以文學名

徐瑑 字文之嚴陵人紹定三年通判袁州下車歲

鏹病者給藥歿者給槨收養嬰兒至踰百數民深德之時版曹以宜春產絹委市絹萬疋瑑力控免

竟寢前命權守建昌邦人咸惜其去焉

翁應彌 字子直壽昌人博涉羣書淳祐進士累官至工部侍郎理宗器之特追贈其遠祖翁

洮為丁大全所陷謫竄南荒上思其才遣使召之乃以計聞上嘆悼良久命有司歸其柩復其官

汪自強 字行之淳安人登紹定二年進士為富春簿分司鄉邑創常平義倉知錢塘縣時孟

饗出班起居人物清修上目送之授監察御史兼崇政殿說書劾京尹顧岳託婚東宮以希內授岳

坐免官婚亦寢朝野悚然尋遷大理卿歸築室曰香晚不仕

鄭壽 字伯壽壽昌人穎之子也以父任補官通春秋領漕薦除大理寺評事時權相嫉邊守王

維中勲名下理寺誣致於死壽遵父命不屈法遂以忤歸景定間朝議高其節起為大理寺正出守

古括蕭然儒素除刑部郎中遷軍器少監做范文正公義田置仁壽庄以贖宗族

鄭琚 字伯潤壽昌人性明敏輕財好施淳祐進士授登仕郎景定中為金華尉蒞事詳審以能

稱咸淳十年遷安吉州司理參軍推情治獄人無冤濫

陸于盛 遂安人治春秋寶祐進士知青田縣以平寇功累官至四川觀察使

洪琰 字叔聲淳安人主南陵簿攝縣事歲旱郡官履畝不以實饑民嘯聚琰從容麾散尋遷盱

貽司法青平山盜起琰致渠魁斬之盜即潰改清江決獄如神人咸服之改德安宰魏了翁督師江淮辟入幕府而卒

傅崧之

字宗山壽昌人刻志好學通詩書戴禮弱士而崧之為榜眼授慶元觀察推官以內艱不赴服闋丞相馬廷鸞言于朝調平江觀察推官三司務殿多所諮決以勤政卒未竟大用

何夢桂

字巖叟淳安人幼穎悟從鄉先生夏納齊遊咸淳元年廷試第三授台州軍判官再遷太學博士倅吉州時廂軍鼓譟夢桂往諭遂帖然轉監察御史抗疏言時政甚切尋轉太府卿時事已不可為矣元初御史程文海薦之朝授江西儒學提舉以疾辭不赴築室小有源著書自娛

項虎昇

字子文淳安人學行純篤年十八冠鄉舉咸淳進士為武康尉值宋運終棄官歸

徐文鳳

字伯恭壽昌人從吳興陳本齋受春秋咸淳間屢魁胄監賜釋褐第二名知象山縣以慈惠稱本齋開闢諮決庶務全活者眾至元革命隱居教子著春秋捷徑十卷行於世

孫潼發

字君文桐廬人少力學工文詞登淳熙進士調衢州軍事判官有廉能聲未幾國亡家毀避地萬山中侍御史程文海求遺逸以潼發應詔堅辭不起卒於家金華黃文獻公潛表其墓

徐夢魁

字梧叔遂安人領貢籍宋亡欲圖恢復潛集子弟兵三百餘人與開化魏亨同應陳宣中至信州兵復潰敗又聞丞相文天祥被執北去痛哭撫膺歸而築室連塢山中大書宋林二字於石元初屢薦不就年七十餘臨終謂子姓曰吾家宋臣也墓題宋徐處士足矣汝曹幸無食元祿

姚仁壽

字靜山桐廬人以進士充饒州路節制都監兵馬德祐初募義勇守關元人夜犯關仁壽親冒矢石敵敗走及宋亡歸隱藍田山元初詔求遺逸州郡以仁壽應堅辭不赴年七十八卒

元汪汝懋

字以敬淳安人至正間以春秋乙榜歷丹陽晉陽教諭值隣境有警省命汝懋領鄉

兵禦之以功陞教授參軍謀尋改浙東閩帥椽以親老辭歸攝本邑令未幾御史高納麟辟南臺椽

遷定海尹在官多善政累官至翰林待制兼國史院編修致仕而歸所著有山居四要行於世

方道龐

字以愚淳安人蛟峯先生曾孫也從同里吳朝陽先生游以春秋名世元至順進士

授翰林院編修官所撰后妃功臣諸列傳筆削大義獨斷於心調嘉興推官凡讞獄囚必脫其桎梏

賜之飲食温言和氣以探其情再調杭州判官遂引疾歸累轉奉政大夫江南行省員外郎洪武初

兩被名俱不赴所著有春秋集釋十卷及詩藁詩說文說若干卷

明徐尊生

字大年淳安人七歲能詩十五淹貫百家洪武初舉修元史時翰林學士宋濂乞致

仕上問卿歸孰可代者濂以尊生對乃拜翰林應奉階承事郎草制悉稱旨尋以老疾歸所著有春

秋論一卷制誥二卷懷歸還鄉等藁二十卷

王文孜

遂安人洪武中由人才為會昌知縣父患患難沒不容神入家廟文孜由是益自勵廉

惠愛民門無私謁以母喪去官改知金壇縣汪改字遷善桐廬人洪武中領鄉薦授丹陽縣教

諭獻三策於朝深切時務陞臨清丞永樂改元棄官歸自號桐山歸

牧性行端潔不混流俗

徐誼

字宜叔壽昌人少聰慧治春秋通史學累舉不第明太祖兵取嚴州誼仗策歸之每參謀

議時征陳友諒遣使招撫誼作詩送之太祖嘆其雄壯亦命招撫使回授承務郎知黃岡縣事兵火

後市里蕭條誼招集流民百廢俱舉未幾解官歸復以明經舉擢知鎮江府政為三輔之最調吉安

府獄有繫囚皆歲逋官租不能償者誼出俸金五百貫代償而縱之後以疾終于官民皆巷哭送其

樞者數千人

汪一初 字陽復淳安人少以能詩名洪武庚子郡守薦之朝上方觀書命作詩立賦一絕以

進有花影上階春滿地讀書餘暇問蒼生之句即命以白衣侍講踰月授儒學提舉明年以親老乞

歸養時中丞劉基學士宋濂皆為詩贈庚申復召見對策第一擢太常寺卿辭不就遂命白衣巡撫

山西卒於潁州上聞嗟悼賜祭葬焉

洪堪 字子輿淳安人年十四登洪武三十年進士授監察御史以年少辭俾冠豸暫歸候長永

樂初名入臺彈劾不避權要同寅有遺雙白鸚者堪却以詩曰白鸚本是山中物何事飛來到柏臺

其廉介如此

張文淵 一名海海建德人洪武初編伍營州尋調開平永樂十七年從興安伯徐亨備邊俘

於沙漠北主奇之欲妻以女懇辭與之官不受因入貢至京奏密情十四事朝廷嘉之頒旨開豁原

籍軍三名匠二名復其家次年得古璽欲南遁適追騎甚迫乃模篆於裙幅間投璽于水至則真跡

爛然馳獻宣皇召對便殿賜五品服色酒飯寶鈔官錦衣衛千戶子孫世免差徭懇乞歸田海海在

外一十五年時人比之蘇武

盧廷俊 字彥俊淳安人永樂中領鄉薦分教崇安繼陞都昌知縣改臨川時有饒姓女字唐

姓未歸私於人一日婿至女家殺之而匿其尸廷俊祝天誓必雪婿冤翌日廷有鳥鳴甚哀廷俊曰

得非死者訴冤乎果爾宜前導鳥即飛而前使人尾至深谷中乃得尸女家驚服

方迺 永樂辛卯舉人仕益府紀善平生慷慨有志天下事屢有奏疏為分水奏便民事裁革本

縣縣丞主簿實為民便時宣德十年迺蒙旨俞允又極言分水徵收夏絹秋糧小民困苦邑民賴之

余思寬 字仲容遂安人登永樂乙未進士授河南道監察御史性廉潔剛介巡歷直隸江西等處除奸剔蠹克振風紀服闋補湖廣道考治行第一仕至廣東按察司副使

張瑛 字彥華建德人領鄉薦授刑部主事遷員外知建寧府時閩賊鄧茂七構亂自號剗平王

其黨林紹得等眾至數千蔓延至建寧瑛募壯士團義兵擊走之以功陞福建左叅政仍掌府事後餘黨復猖獗逼城下乃與弟敬率兵討之乘勝逐北弟敬戰沒瑛為伏兵所獲欲降之瑛大罵不屈而死事聞贈嘉議大夫福建按察使遣官諭祭官其子熙為羅田主簿

章增 遂安人宣德間由太學生授永清知縣值歲歉設法賑濟民感其惠邑有鐵河久塞水利

不通荒田五百餘頃增為浚之自是田闢而歲登民歌之曰鐵河穿田有年時桃花洞千餘人負固為患增請於朝曲宥其罪皆帖服為編氓改知華亭六年以疾卒

姚夔 字大章桐廬人鄉會皆第一擢吏科給事中首疏八事皆關切君德時政之要已巳英廟

北狩羣臣勸進邴王議未決夔毅然曰國家任用大臣正為社稷計事在不疑計遂定十月也先入

寇迫近京城有旨議戰守夔曰兵屢失利人心搖

扞宜堅壁自固且檄諸邊帥據險設伏俟其歸邀擊之上可其言庚午推南京刑部侍郎次年自南

改北會景泰不豫羣臣請所立不得夔促大學士商輅具疏稿云陛下為宣宗章皇帝之子當立

宣宗章皇帝之孫夔躍然舉筆於立上添一復字眾皆善之疏將上英廟已南面臨朝矣石亨輩貪

功擅權朝野側目夔獨屹然亨嫉之調南部未幾以廷臣薦驛名至京賜一品服三遷禮部尚書會

慈懿太皇太后崩內旨不欲合葬配享夔率羣臣伏門哭諫上覽奏即從其議遷吏部尚書加太子

少保尋以災異乞罷上慰留之曰卿老臣朝夕輔朕未可言去疾革謂其子曰吾受國厚恩不克圖報死後勿隨例請祭葬以重我過無一語及他事

上痛悼遣官諭葬祭諡文敏

商輅

字弘載淳安人鄉試會試殿試俱第一授翰林院修撰尋入侍經筵陞侍講景泰改元陞

翰林學士再陞兵部左侍郎兼右春坊大學士仍兼翰林院學士叅贊機密景帝不豫輅建議請立東宮疏未及進石亨等奪門復辟素忌輅致於忠肅詞中坐死批除名後成化二年復原官首疏入事皆切時弊慈懿太皇太后崩召廷臣議葬事衆莫敢言輅與大學士彭時吏部尚書姚夔答曰大行慈懿皇太后作配英宗皇上尊為慈懿太皇太后今壽終之日梓宮當合葬裕陵神主當耐食英廟又引漢文帝合葬呂氏宋仁宗合葬劉后故事聞者避之陞本部尚書兼學士如故改戶部尚書文淵閣大學士上常召見從容議及郕王監國事輅言景泰有社稷功當復帝號言甚剴切左右皆泣輅與上俱泣遂允其請時汪直開西廠羅織起大獄臣民悚慄輅疏言近日伺察太煩政令太

急刑網太密人情沟沟蓋緣聽斷委汪直一人而直又寄耳目于羣小并條直十大罪又云直不去天下必危上曰一內監能危天下乎太監懷恩傳旨詣責甚厲輅曰朝臣大小有罪皆請旨收禁渠敢擅抄扎三品以上京官大同宣府北門鎖鑰渠敢擒械守備數人南京祖宗根本重地畱守大臣渠敢擅自收捕直不黜天下安得不危恩咋舌退奏上上立命罷西廠由是宦官忌之輅遂謝政陞太子太保賜白金寶鏤金織襲衣以歸家居十年而卒壽七十三上聞悼惜不已贈特進榮祿大夫太傅諡文毅遣官致祭子良卿翰林侍講良輔太僕寺卿孫汝謙尚寶司丞

姚龍

字納言文敏公夔之從弟也正統七年同登

進士第授刑部主事時值邊警奉命巡撫河間得便宜行事龍申明約束廣儲蓄修城堡民心始安景泰改元轉河南叅政聲譽益著嘗見鄭王王曰人中翹楚也書溫良忠信慈惠廉勤八字褒之尋陞福建左布政使以疾致仕終於家龍為人

嚴毅不迎合權要所至興利除弊公退則正色危坐焚香讀書人不敢干以私

胡拱辰

字共之淳安人正統己未進士知黟縣事

以艱歸己巳英廟北狩兩遣使臣蔣文等造廬奪情起復凡四上章累千萬言無非亟以復大讐安

宗社為心上嘉納之成化乙酉陞廣西右布政會

春人反勦平有功乙未改南京兵部侍郎時孝廟

侍郎倪謙崔恭味死上言甲辰陞南京工部尚書

致政後歲賜米二十四石輿隸四名正德丙寅壽

無以為歛祭無以為禮

追贈太子太傅諡莊懿

應顯字文明淳安人登正統十年進士授監察御

盜千餘人剽掠顯調軍快擒其賊首餘黨平賜彩

緞寶鈔進秩從六品景泰四年巡按蕪松等處賑

濟饑民全活甚眾尋陞南京大理寺右寺丞天順

元年左遷雲南大理同知成化二年用大臣薦陞

湖廣按察司僉事巡撫羅篋廉其才檄治平溪清

浪衛選調官軍征勦靖州黃强苗寇事竣都御史

吳琛委修築江岸一千餘丈未幾都御史項忠復

遣平荆襄流民之為亂者尤著勞効陞福建按察

副使巡視海道漳州賊林輝英聚眾下海為亂顯

賢

柴文顯

建德人登正統十年進士授監察御史巡

按福建激濁揚清風采凜然以親喪解官

有巨璫者惡其與己不合因聞寇竊發羅織其罪

何陞

字文達淳安人正統十三年登進士第拜戶科給事中時正統北狩朝廷命陞與御史楊

春趙運邊餉土木師潰死於兵者滿野陞首疏乞少寬運卒限期責令輸輓還日將沿路遺骸掩葬

用安死事之魂從之已而駕還與同官李侃抗章奏請備禮郊迎且曰上皇昔念社稷生靈勇于一

出非遊田盤樂可比今以簡禮迎之非但無以聳也先之觀瞻且于陛下兄弟之情似乎太薄詞極

懇至識者韙之戶部尚書金廉會計軍興財用議更稅畝之法將天下夏秋糧混同科收以紓急用

陞執奏不可事遂寢遷右給事中改兵科天順六年陞河南布政司管河右叅議時黃河為患陞相

其便宜疏通沁水下流使復舊道漕運無虞致仕卒於家

余復

字存美遂安人登正統十三年進士授南京監察御史巡蕪松常鎮四郡風裁凜然陞江

西按察司僉事巡撫都御史韓雍患賦役厲民委復均之剗革宿弊民大霑惠總督各郡京漕七十

餘萬注措有方陞副使長河洞賊朱紹綱謀叛郡縣繹騷馥往顛督兵討之徑搗其巢生擒紹綱等

七十餘人賊遂平賜綵緞寶鏹陞福建右叅政專督海道以母喪不赴服闋改四川叅政復陞江西

按察司進左布政使卒於官

項文曜

字應昌淳安人年十九以春秋擢鄉試第

二登進士尚書王驥奇其才俾修馬政復奉使西洋所至民不擾而事治再遷兵部郎中正

統十四年英廟北狩陞本部右侍郎嘗與于忠肅協守京城有功擢吏部左侍郎兼詹事蒞官勤敏

清慎天順初被誣歸成化十五年詔復其官已卒特賜諭祭弟文泰登天順四年進士授工部營繕主事克盡厥職

徐資節

父戌貴州正統間邊事告急分闡者置資節幕下一日問資節軍行進退對曰是有

伏不可遽犯督師忽其言弗用卒犯之不利而資節亦以死殉

柳勝華

字景芳建德人景泰中由貢士授澧州知州居官廉能時藩邸初封軍校橫甚勝華

一繩以法民始獲安澧州在荆岳常平之間軍民土田疆界錯雜經制未定器訟寔繁勝華履畝清

覈在任九載治行爲諸郡最秩滿當陞去闔郡保畱天順五年卒於任民哀之控於官祀名宦祠

方漢

字孔殷淳安人領景泰元年鄉薦第二天順四年授山東道監察御史五年巡按陝西甘

肅等處適有邊警民人驚散漢設法招集之成化三年巡按四川時貴獠竊發勅漢征勦依軍法便

宜行事漢督軍深入賊境設法搜捕地方以寧累陞南京太僕寺卿卒於官諭賜祭葬祀鄉賢

宋旻

字弘澤布政使興之子也淳安人登景泰二年進士授大理寺左評事轉左寺正獄訟經

所讞者皆自以爲無冤陞右寺丞左右少卿成化二十年陞都察院右都御史總督兩廣軍務弘治

元年致仕孝廟嗣位遣使卽家賜以白金文綺鄉邦榮之旻厚重老成有文武才略歷中外所至有

聲應事接物詳審周密見者無不愛敬焉

洪弼

字士直淳安人登景泰二年進士拜河南道監察御史巡按雲南有聲天順元年陞江西

按察僉事尋改湖廣僉事適常德辰州等府饑饉設法賑濟多所全活四年靖州洞徭嘯聚弼參贊

軍務擒其賊首餘黨悉平賜寶鈔八千緡金織文綺四端成化六年陞按察使尋陞貴州左布政使

弼以陳蕃宣撫司與長官司行事齟齬不便奏請添設府治於土官始有所鉗束致仕卒於家

徐鑑

字克明淳安人少與弟尚書貫受業于吏部尚書姚夔登天順四年進士第授南京戶科

給事中練達治體多所建白劾重臣之不職者以意更變時論躓之擢江西左叅議發姦摘伏豪右

斂手規畫條約民甚便之以內艱服闋補廣東左叅議時潮州海寇爲患都御史朱禋檄補之乃設

法處置擒其首惡餘黨悉平九載考績後以疾懇乞致仕當道畱之不果歸卒於家

徐貫

字原一淳安人生而明敏登天順丁丑進士授兵部職方主事委查軍伍有贊畫功陞職

方郎中時陝西甘肅總兵官奏赤斤蒙古屢擾邊欲徙之嶺南下兵部議貫曰彝人不過羈縻之而已誘而徙之非策也尚書程信大悟曰微子幾敗

廼事亟奏遣還尋擢福建布政司右叅政值民饑出官廩以振陞本省右布政使閩中疾癘相枕籍

出公帑葬之轉山東左布政使陞都察院右副都御史巡撫遼東處置邊方綽有條緒陞工部右侍

郎轉左時蘇松一帶水患廷議推貫往治之貫至簡委有司授以方略水患以弭事竣陞本部尚書

累加太子少保以疾乞歸加太子太傅馳驛還鄉令有司月給俸米三石歲撥人夫四名優其老卒

計聞輟朝贈太保諡康懿遣官營葬諭祭九壇

徐節

字時中壽昌人從父戍貴州登成化進士授內鄉知縣值歲荒設法賑濟以誠信感巨室

得貸米萬石隨以俸遍償諸貸者以循良第一擢福建道御史時錦衣指揮牛循侍寵三疏數其罪

及掌河南山西二道特疏宰臣萬安風裁凜凜以忤當道出知太平府進雲南右叅政勦梁山竹箐

諸賊捷聞遷廣西右布政征叛苗思恩等數代未平之寇一朝底定旋轉廣東左布政陞右副都御

史巡撫山西勤訓練蓄儲穀邊鄙宴然時內侍劉瑾專權忌其威名矯制還師復密遣使詣邸曰吏

部右堂五百金可得也節叱曰縱五十金吾何有焉瑾益怒具疏乞歸予告瑾誅朝廷以原職召不

赴居家十五年畱心郡邑利弊推恩鄉里

郎滋

字德潤建德人成化丁未進士授南京吏科給事中劾奏李廣王振等不憚權貴嘗上防

邊五事及天變修省五事又奏罷寶船式樣劾去貪污官吏人多忌之出為惠州知府善政卓然民

謠載道未老乞休

俞諫

字良佐桐廬人登弘治進士授長清知縣擢南京監察御史正德改元擢河南南僉事嵩縣

巨寇呂梅等久不能討諫率兵擒捕撫散餘黨尋
 改授山西清獲三關隱稅屯地二萬餘頃招集願
 投軍士一千餘人擢江西叅議適大帽山賊哨聚
 信豐安遠設計擒之尋陞右僉都御史總督蘇松
 等處水利眾議方急開白茅港諫謂港近海沙隨
 潮上下徒勞民力上疏罷之時劉七等流害江淮
 間奉勅勦之陞右副都御史提督操江兼管水利
 壬申癸酉歲江西王浩八等反勅諫提督江西閩
 浙等處軍務得便宜行事至則選將士出奇計九
 征皆大捷陞右副都御史畱撫江西惠綏流移良
 民禁革寧府豪橫建昌徐九齡久寇羣邑諫密謀
 督勦報捷賜詔褒獎陞從一品俸乞休致歸嘉靖
 改元名督漕運兼巡撫淮揚等處興革利弊上下
 稱便復平河南王堂等寇二年名入總督察院事
 守法明允卒于官計聞贈太子太保諡莊襄遣官
 論祭營葬諫經學淹貫敏達過人剛毅敢為才兼
 文武處鄉好善惡
 惡人多畏服之

何紹正

字繼宗淳安人郎中禮之子以春秋魁鄉
 薦登弘治壬戌進士授行人陞吏科給事

中鯁介自持以事忤逆瑾謫海州判官陞兵部武
 庫主事轉車駕員外郎職方郎中出知直隸池州
 知府修郡邑學校建齊山書院築白馬河置義塚
 賑濟饑民郡城久廢紹正懼時事有變預申當道
 興築甫成而寧邸之變作兵至安慶紹正合僚佐
 及諸士夫誓以死守眾咸感激列幟燃炬鳴金鼓
 日夜不絕五旬賊不敢犯地賴以安事聞加俸
 一級尋擢江西布政司叅政致仕池為立生祠

王浚

字德深建德人登正德戊辰進士任薊州知
 州抑制劉瑾家僕取怨下錦衣獄尋陞刑部

員外以諫畱南巡廷杖濱死尋陞山東沂州兵備
 僉事晉貴州副使時苗彝吳尚賢肇亂浚往平之
 累陞河南布政使入為順天府尹與按治者不協
 左遷福建叅政尋陞右副都御史提督南贛軍務
 地方輯寧師旅不用省節錢糧歲以萬計陞南京
 刑部侍郎又一年改北部因九廟災自陳致仕卒

賜祭

葬

吳欽 字敬夫淳安人登正德戊辰進士授丹徒令

湖廣荆南兵備適監利石首二縣盜發十餘年無

章薦

之

俞夔 字舜臣建德人登正德丁丑進士授安福知

同知勦劇盜彭思和等三千餘眾降勅獎賚陞四

川安綿兵備僉事會歲饑請發內帑官銀二萬餘

兩賑濟劔巴等十一州縣番寇玻柘等糾結神溪

諸番入寇邊將許仁等敗績死之夔出奇擒其首

千萬山等三十七人復古維州侵地千餘頃築平

番赤土二堡捷聞陞本司副使兵備建昌建故上

番雜居夔深入不毛番人驚愕失氣鹽井土官刺

馬仁等相讐殺悉討平之尋補南漳兵備擒拿偽

察院一十三人上深嘉之隨陞按察使歷

本省左右布政使有六詔紀聞及楊芬錄

徐楚 字世望淳安人由進士歷工部都水屯田郎

后山陵有奇績擢守辰州大著保釐其最著者如

便宜以給酉陽諸鎮兵餉諸當道益大奇之陞憲

副粵西遇臺使欲徵功議勦猺獞楚執不可相忤

歸比兵動獠人驚變禍及全粵識者服其先見云

適薊鎮邊牆工劇復起山東憲副比至三月牆工

告竣繪圖以進條上備共六事臺使交薦楚有文

武才可膺節鉞時以抗權相復改雲南屯田副使

清查沐氏所侵民產盡還之尤多闢地功轉叅四

川藩政擒洞賊范元思等因攝司事例進扇而減

諸要人饋儀遂坐風霾變報罷享年九十有一酉

陽滇南西蜀皆有

生祠舉祀鄉賢

余鉞 字文甫遂安人登正德辛巳進士授浦城知

縣以廉幹稱調繁閩縣兩邑皆立祠祀之陞

浙工通志

卷之三十四 人物

三十一

南京刑部主事歷武選郎中典武職銓除秋毫無
 染以錦衣員冗疏軍政入事欲裁不當襲者以紆
 國用遂為奸黨所誣下刑部獄上憐其直罪誣者
 由是頗為時貴所忌遷廣東叅議言官交薦陞山
 東副使董築南旺湖運道
 攸濟三遷山西左布政使

汪九齡

字良叔桐廬人領正德十一年鄉薦授東
 粵肇慶推官不畏強禦摘伏如神雖廣西

開府亦以事檄訊有兩廣節推之號暇日廸諸生
 以道義一時人文振起未幾握郡篆有戎府兵卒
 狡橫民甚病之齡陳安民十二事而首以此言御
 史臺可其議轉聞當寧民賴以安會有寇哨聚齡
 奉檄親往撫慰各安其所不復為亂考最擢南道
 御史朝拜官夕奏疏力陳時政略無顧忌越二年
 以言忤權貴遂毅然掛冠嘉靖屢
 徵堅臥不出時人重之入鄉賢祠

毛志涑

字宗甫遂安人天性孝友喜讀書初任化
 州同知多惠政念親老致政歸聚順承歡

伯兄早逝撫其孤如已出且督其成就如賑荒恤
 難焚券完妻義聲藉起萬曆二十四年祀鄉賢

余焯

遂安人號羲河萬曆丙戌進士初任潮州府
 推官活程鄉冤獄二十人南澳帥以獲倭請

功焯鞫三十人皆海濱漁者悉釋之賑潮州饑疏
 惠潮廣三郡離路調延平府推官除坊役擒劇盜
 賴萬貫等發福州庫帑弊入為大理評事多所平
 反出守南康歷副使革所屬漕規二萬餘晉叅政
 分巡九江募兵給屯革饒南諸郡糧弊築九江壩
 葺都昌城復安義堰所至皆以實政名家居古道
 自持卒年
 八十六

毛一公

字明齋遂安人萬曆己丑進士授漢陽府
 推官有政聲潞府官校豪橫公至斂戢不

敢犯兩署府縣篆囊無長物行取工部給事中諫
 止工作時神宗儲位未定以爭國本罷歸里居二
 十餘年杜門著述光宗登極擢尚寶寺丞陞南光
 祿寺少卿卒于道子國榮東陽縣教諭贊平諫寇

招來許都與有力焉

徐應簧

字軒卿淳安人登萬曆己丑進士歷陞虞衡司郎中督理三殿大工減裁內官濫耗

入萬餘陞武昌郡守時稅瑞暴虐商民致武漢激變瑞羅織無辜誣指劫稅簧執法不阿遂與中官齟齬資滿勿遷迨甲辰宗孽殺傷趙大中丞全楚震騷簧經畫防守楚賴以寧陞本省驛傳臬副轉糧儲叅政剔蠹釐弊清操勁節齟者見忌遂謝政歸惟圖書數帙而已恩詔進階大中大夫

毛一瓚

號肖環遂安人七歲喪母哀毀如成人二十舉於鄉萬曆壬辰登第時議三王並封

一瓚以觀政進士手疏爭之出令進賢邑舍旁置樵爨數具令訟者自炊其中立讞之有斗米官司之謠父志涑就養官邸頻行以三十金為壽志涑知為帑藏中物却勿受笑曰汝廉介若此豈有為人父而教子以貪者汝始終勉之六載徵卓異清名藉甚吏部即錢養廉議舉以自代嘗三過之匿

不見嘆曰此官益非毛進賢不可尋擢吏部文選司主事薦鄒元標呂坤等及疏陳弊政忤權貴意請假歸後歷官郎中選法為之一清初遂邑重困里役一瓚議改條編法歲省費六千金歿而邑人德之為建仁賢祠崇祀名宦鄉賢

姜習孔

字素臣遂安人萬曆丁未進士初宰沅陵

無錫奏最擢南吏科給事中外垣例受民詞首行禁絕五總省篆再巡京營司內外計典夙弊為之頓革奏蠲南直隸鋪設三殿錢糧百六十餘萬客魏擅政疏糾內臣冒廕伸救善類言皆切直奪職為民崇禎改元起名南大理寺丞晉南鴻臚寺卿矢志持隨謝病歸居鄉友愛弟姪黨里化之卒祀

鄉賢

戴東旻

字日文建德人登萬曆己未進士授歙縣令鑿譚家橋新河四十里以通米運并漑

太平縣田二邑爭祠之復築龍王山堤至今稱戴公堤焉秩滿遷儀部尋轉河南汝南兵備副使是時流氛日熾奉命監軍率祖寬左良玉諸將與劇寇張獻忠李自成等四十餘戰前後告捷膺特簡以僉都府治鄖陽初獻忠入楚破穀城圍光化旻單騎馳赴大破之于雙溝今外史稱理臣熊文燦破賊于雙溝者非也方獻忠勢窮乞降時文燦主撫旻特疏請勦疏入閣臣楊嗣昌左袒文燦議旻坐免旻既而獻忠復叛天子震怒罪主撫者逮文燦赴理辭連及旻亦被逮後文燦伏誅天子省旻疏前言盡驗欲再任旻已病卒獄七日矣

宋賢

字又希建德人天啓壬戌進士授常熟令再補魏縣擢廣東道御史首彈逆黨未正法數

人復疏請嚴民解緝之苦易為官織官解巡按湖廣拔廉懲貪尤多平反全活者九十七人入掌河南道大計黜陟峻拒書儀進太僕寺卿巡撫山西擒賊首過山龍番天鷄等辛巳督師勤王身先士卒

卒以疾乞歸加兵部侍郎尋予告歸賢自為諸生時目擊郡無試館至是捐貲創建國初以原官徵不就卒

祀鄉賢

汪喬年

字歲星遂安人刻意砥行天啓壬戌登進士授刑部主事出身青州尋備兵河東治

行皆天下第一督關中學政闡正學絕竿牘時逆闖躡豫楚將窺秦詔舉邊才遂晉長臬憲夏擢陝撫冬廷推總督一歲三遷甫授命值郟城圍急疾馳赴援闖賊舍郟以數十萬眾逆戰於襄城三帥未陣先逸師遂潰喬年率標兵血戰嬰城固守七晝夜外援不至城陷腋中流矢猶手戟數賊以佩刀自剄未殊被執大罵不屈賊怒割其鼻舌以死士人憐其忠潛瘞之後發瘞面色如生事聞贈恤祭廕如禮

祀鄉賢

章可試

字星華遂安人戊午登賢書崇禎中授舒城縣甲戌張獻忠陷霍巢諸邑攻舒城可

試塞三門開西門以誘之賊入陷於溝伏兵出長矛刺之殺千人賊奔潰戊寅復來攻與巡撫史可法協謀伏砲創之前後被圍者十有四卒賴以全尋丁外艱以養母辭歸母余氏壽百歲

邵子灼

字季可建德人崇禎四年歲貢授永嘉訓導巳卯中鄉試副榜巡按王範題請擢河南

南郊縣知縣劇賊張獻忠等肆毒中州環攻郊縣灼督兵死守度勢不能支整衣冠坐於縣堂懷印綬曰此人臣致身日也賊至不為屈蹈刃而死士民立祠以祀

張日新

字心白建德人為嚴毅備儻由崇禎五年歲貢授宿松訓導陞山東齊東教諭日

與諸生講藝習射時渠寇安守夏者鼓眾倡亂日新招降遂與同守東邑崇禎十三年齊東被圍日新守北門率其二子光尹光齋百計防禦城陷被執同子光齋及安守夏死焉妻方氏聞計奔死所

之目

濮有宏

分水人崇禎癸酉舉人授安陸知縣政治為楚中最流寇薄城竭力拒守巡撫宋一

鶴疏請超擢闖獻二賊合兵圍城力屈而陷夫婦幼女舉家一十九人同時殉難

毛鳳彩

字五有壽昌人生而穎異登崇禎甲戌進士授華陽令華故劇邑闖賊薄城彩以鎮

定禦亂賊潛遁去內江強宗藏甲何變人言城內大賈半出關西恐為內應議盡殲之彩力爭其枉

人賴以安以卓異徵值父喪哀號袒跣歸即杜門守廬年七十四卒

王元封

登崇禎甲戌武進士授湖廣大圍山守備負膽略時楚中流寇犯境元封單騎入賊

寨擒殺數十人賊方造飯見元封後無援兵以湯靡潑之馬仆猶步殺數人而死

張連曜

字景明建德人中丞宋賢薦曜賢良方正授四川巴州同知流賊張獻忠圍巴城踰

月曜督兵民晝夜死守知城將陷自製一寢衣繪忠臣二字并製一膝護於脛謂其下曰我死爾以此覓我屍耳城陷被執大罵不屈賊磔殺之後賊退果以衣得屍事聞追贈奉訓大夫

皇清余廉徵

字澹公遂安人少有至性沉靜篤學登順治己丑進士授平順縣歷真定府赤

城同知蕪州知府攝道篆簡靜宜民整躬率屬居鄉嫻睦有古君子風

詹惟聖

字乃庸建德人登順治壬辰進士除山東德平令縣故多盜聖至先化後威盜遂屏

息改湖廣江華令會寧遠令以徵調致民變臺使以聖兼攝之寧邑數經殘破先時多就鄉徵糧稍急則閉壘相拒聖開誠勸諭積逋以清有匿糧批二宗者以計搜出民得免累奏最擢刑部主事聽讞無濫督榷鳳陽倉遷員外郎轉戶部郎中陞按察僉事視學江西軫恤寒士督撫以公明尤著具疏入告下部註績事竣歸里邁疾終

余國禎

字瑞人遂安人年十一補諸生庚辰成進士授富令多惠政力詳免夫馬戶士民戴

之及歸杜門不出徒步溪山間泊如也著點易支言田研齋集

翁旦

字振周壽昌人通經史諳武略順治乙未武科累授廣西叅戎會徭僮蠢動旦挺身勦之

慷慨先登深入重地被圍度不免引佩刀自剄卒督撫疏聞

溫州府

漢蔡敬則

安固人少負氣節靈帝光和間舉孝廉授南陽令尋棄官歸建安中起義兵捍寇有

功授東郡都尉號令明肅境內又安進安鄉侯三國時江東盡為吳地敬則率兵歸農退處閒散歿

後里人為立祠

唐葉一源

字九江瑞安人幼有志操膂力絕人善詞翰精騎射侍父公主宦廣南因見隋政日

素聚兵千餘歸唐後從太宗征高麗單騎陷陣斬首二十餘級中流矢卒事聞立祠追諡武義侯

吳畦

字禎祥泰順人登大中進士乾封中為河南節度使督修黃河有功黃巢亂奉勅討巢破

走之中和二年召入同平章事文德元年拜諫議大夫柱國時李克用朱全忠舉兵相攻會宰臣張

濬與克用有隙右全忠討克用上命官會議畦與御史大夫柳玘同臺臣力諫忤上意左遷潤州刺

史適錢鏐為鎮海節度使不安其職遂引歸宰相鄭綮疏薦詔下而畦歸矣郡中登進士者自畦始

宋周行已

字恭叔永嘉人入太學以文行著司業豐稷

謝由是名重京師時競尚新學行已獨往伊洛從二程子游作顏子不貳過論伊川可之登元祐第

貴人欲妻以女曰姨母貧女瞽吾母雖不言意已屬吾養志可也遂辭婚歸娶姨女除太學博士請

于朝願分教鄉里以便養親詔許之宣和初除秘書省正字卒于鄆所著有文集十九卷浮江集十

六卷時與許景衡劉安節安上載述趙霄張輝沈躬行蔣元中稱元豐太學九先生族孫去非為張

南軒高弟弟承已別有傳

許景衡

字少伊瑞安人入太學時三經義盛行獨之洛師程氏登紹聖第由福州倅拜監察

御史首論月費錢過侈又論童貫不可用及譚稹罰不蔽罪且言三省缺官樞密久虛宜博採公論

遴選忠良以任政府時王黼用事惡其言切以他事逐之欽宗初召為中書舍人會臺諫李光程瑀

以忤耿南仲見斥景衡封還不行坐落職請祠去高宗即位除給事中遷御史中丞時宗澤畱守東

京言者阿執政意攻其短景衡上言澤之為尹政事卓然過人誠使去冬京城內有如澤等數輩其

禍未至如是之酷疏入宗澤乃安金人南侵朝議請幸南陽景衡獨言南陽無險阻漕運不繼乞幸

建康據天險疏凡十上遷尚書右丞後金兵迫有詔還京衡復申前議黃潛善等惡其異已譖罷之

以資政殿學士提舉洞霄宮行至京口聞還京詔
下憂駭成疾卒贈正奉大夫瑞安縣開國男諡忠
簡明年高宗幸溫州思其直賜官舍一區所
著有橫塘集三十卷學者稱為橫塘先生焉

劉安節

字元承永嘉人與從弟安上師事程伊川
所得最多今河南語錄第十八卷乃安節

手編也登元符第以薦名對便殿言東宮宜擇官
屬及論奢儉君子小人和同之異上稱善即除監

察御史後謫饒州徙宣州饒民遮道泣留謂吾饒
自范文正後一人至宣直大水大疫安節設法拯

救民全活不可勝計卒于官部使者表其勤
民致死狀詔官其子誠學者稱為大劉先生

劉安上

字元禮安節從弟與安節同師程氏時號
二劉登紹聖第除太學博士大觀初提舉

兩浙學事陞辭進對稱旨徽宗稱其蘊籍有大臣
體即日除監察御史論事詳審嘗上疏論蔡京擅

政之罪未報又與中丞石弼等廷劾之京遂罷相
歷官右諫議大夫中書舍人給事中後乞外補歷

知壽春婺州刑州再知壽春舒州皆有政績卒贈

通議大夫文安縣開國男在御史時論事退節削
藁先達豐稷徐處仁薦之未嘗私謝有詩

集制誥雜文三十卷學者稱小劉先生

王公彥

字成德永嘉人與兄公輔同登紹聖第調
江夏尉元符末上書論宣仁無負于先帝

司馬光無負于天下且言章惇悞國之罪與李林
甫盧杞無異坐廢斥入元符黨籍紹興初褒錄轉

官奉
祠

黃友

字龍友平陽人資稟英邁慷慨年十五入太
學語同輩曰大丈夫不能為國立功亦造化

中贅物耳登崇寧第歷永嘉瑞安簿權華陰令宣
和間方臘亂為宣撫司幕官攝蘭溪令賊不敢犯

以功命攝婺州兵曹單騎諭解浦江武義郡盜婺
人為繪像立祠遷通判澶州會金人敗盟郭藥師

軍叛諸郡嚮應友獨領數千人與戰躬冒矢石唇
破齒抉奪路詣京師宰相李綱薦之欽宗名見怪

其面問得之嗟嘆良久進直徽猷閣制制司參謀
官同种師中解太原圍友遣兵二千奪榆次縣得
糧萬斛明日大軍進十里止友急白師中地非利
將三面受敵不聽友仰天嘆曰事去矣迨曉兵果
四合友被執勒降友厲聲曰男兒死耳罵不絕口
敵怒以脂蠟塗其身倒豎焚之年四十七詔贈七
官至中大夫官其子若壻八人御書忠節傳家四
字旌其閭居平許國嘗語子弟曰馬革裹屍吾素
志也異日收吾骸當以足心
黑子為誌其忠誠天植如此

石礪 字商老永嘉人宣和中方臘寇溫礪為學生
與教授劉士英協謀畫城中為八界率義兵

死守閱五十六日賊退功績最多詔赴尚書省辭
不受祿以布衣終淳祐八年封英祐侯與士英同
廟食賜廟額曰忠烈

周承已 字恭先 弟**婁淵** 字淵 明 **潘守真** 字適道皆永嘉
人清溪寇渡樂

灣將攻城統制郭仲荀遣裨將張理帥師迎敵承
已等慨然請于郡以行渡壩接橋賊鋒銳甚麾兵
據橋為陣橋忽斷四人皆溺死淳祐中張理封
忠惠侯配享忠烈廟承已等三人皆從祀于旁

吳表臣 字正仲永嘉人少從周行已學與兄鼎臣
同登大觀第高宗幸永嘉訪求人才趙鼎

薦之召對首論金人長驅浙東諸郡或戰或降或
奔賞罰不可不明上是之顧語宰執表臣似素宦

者即日除監察御史扈從還越遷右正言戶部侍
郎季稜請起用罪累臣雖蔡京等所主亦不廢仍

詔臺諫勿言右相宗尹進呈榜朝堂表臣論自古
無禁臺不得言者詔撤榜稜與外祠又劾學士盧

益迎奉太母還都所至苛擾帶御器械潘永思擅
作威福並鐫黜胡安國以論事不合罷表臣上疏

畱之累遷吏部尚書兼翰林學士以議資善堂典
禮忤時相意罷起知婺州進敷文閣待制乞祠加

直學提舉洞霄宮終大中大夫表臣與陳瓘友善
史稱其師友淵源故議論讜直剛嚴鯁峭不惑異

說不畏
強禦

陳桷

字季任平陽人徙居永嘉政和廷對第三授冀州兵曹累遷虞部郎出為福建提刑防秋

卒以糧惡戕帥臣柳廷俊桷單騎往諭以禍福卒

氣奪因邀桷奏帥臣自斃狀桷詭從之繼即登程

自劾朝廷嘉其知變乃調叛兵出行就道中戮其

首惡除太常少卿權禮部侍郎時言事者多毛舉

細事務桷上言當講治道之本不當以細故勤聖

慮又陳攻守二策在得人心修軍政坐議典禮與

吳表臣俱罷尋除龍圖閣知泉州改兩浙提刑乞

敬鄉老以厚風俗凡宮室車馬衣服器械悉定品

式禁僭侈知襄陽府充安撫使請蠲雜賦以蕪民

困殄均房叛卒加秘閣修撰徙廣東帥官終中奉

大夫

陳峴

字來南桷孫以祖恩授浙東幹淳熙間中宏詞科孝宗見其文稱之知泉州以最聞除禮

部郎秘書少監尋拜中書舍人兼東院以不肯草

蕪師旦節度使制忤權臣免起知廣州置敢勇軍

洞寇不敢作再知泉州名為兵部侍郎

郎未任卒贈太保真西山誌其墓

陳昉

字叔方峴子以父任知浦城縣隣境盜起調度得宜賊不敢犯歲饑極力賑救真德秀薦

之朝名赴都堂與劉克莊先生號端平八士遷司

農丞出知寶慶除大宗正進直煥章閣樞密副承

旨權吏部侍郎丐去知福州重士愛民威惠兼至

閩人論良牧以昉為首名為工部侍郎景定初以

寶章閣待制知建寧府屬邑嘉禾一本四十穗謂

為善政所感除戶部侍郎乞錄用朱熹真德秀子

孫拜吏部尚書端明殿學士進資政殿致仕卒

諡清惠嘗治園得窖金捐修南塘七十里子均

陳均

字子公昉子少受學于真西山歷知東陽麗水西安縣所至有聲除大理丞出為江東提

刑當路阻之罷去再除廣東提刑徭寇犯邊漕帥

縱殺邀功囚平民數十于獄均曰治兵帥職獄吾

職也自往審覈盡釋之帥慍媒孽于臺罷去尋起知贛州兼江西提刑咸淳初賈似道以平章奉母居西湖欲以堂印自隨均爭曰堂印無出城理坐是免以秘書閣修撰樞密承旨致仕卒年八十一

薛弼

字直老永嘉人登政和第任滄州教授民饑發學廩賑之監左藏東庫以內侍豪橫侵帑

藏上書極言其狀除太僕丞丐歸高宗幸永嘉弼見宰相請遷蹕入城若何得財若何得舟不煩加

斂于民時多用其策除湖南運判岳飛征楊么弼專餽餉么平除知荆南時荆帥王彥移襄遷延不

即赴而所將皆勁卒朝廷虞有變命弼代之問策安出從兵幾何弼曰若志在除彥弼書生也非所

及代之則湖南送吏足矣弼乘彥不意徑入府受將吏謁彥大駭因曲折罕譬之彥悟即日上海岳

飛宣撫京西辟為參謀官入為戶部郎再知荆南桃源有伍俊者屢招屢叛万俟卨不能制弼誘以

靖州俊喜以甲士千餘自衛來謝弼談笑詰其反狀竟戮之以功歸万俟卨及岳飛被誣卨窮治其

獄凡飛幕僚皆廢斥弼獨免尋除左司郎再知處州提舉南雄南安討平三州羣盜徙福州招捕豪

賊百七十部復徙廣州錄前功進敷文閣待制卒于官諡忠簡

婁寅亮

字陟明永嘉人登政和第為上虞丞時高宗幸越未有皇嗣寅亮上疏乞選藝祖諸

孫有賢德者視秩親王使牧九州待皇嗣生以慰天下之望紹興元年名對復申前請高宗感悟擢

為監察御史秦檜惡其為樞密富直柔所薦諷言者論罷之

薛良顯

字貴勤瑞安人登崇寧第為大宗正丞江東運判時江寧守宇文粹中御下嚴刻軍

校周德作亂良顯聞變率眾與戰斬千餘級眾不敵死之事聞贈卹有加諡忠愍弟良朋字貴益登

紹興第終吏部尚書

薛良貴

字貴全良顯弟初名天球入太學坐元符上書議朝政謫籍後改今名登政和第終

朝議大夫知光州復州贈通奉大夫宣和間方臘寇城與兄良顯率鄉兵控扼要害邑賴以全

丁仲修字敏之昌期孫俞道安陷樂清將渡江仲修領鄉兵于樂灣禦之失據而散仲修以餘兵與賊戰力屈乃死忠烈廟從祀二十有五人首仲修

薛開字彥明永嘉人宣和末俞寇猖獗開與兄閻閱及開子居實謀白郡將預計守禦弗聽乃與里人鮑若雨包汝諧鳩財積穀集里中少壯分番自保教授劉士英與石礪畫城為入界開與閻守城南西隅寇薄永泰門開擲槩斃其先登者夜縋壯士斫其營寇棄去事平不言功鄉人高之英烈廟配享

宋之才字廷佐瑞安人學于楊時登政和第教授之域患速售爾以執政薦名試除正字尋為校書郎遷考功郎論南北雖以講和願勿忘邊備舉廢墜拔淹滯寬民力總兵權益固丕基為進取計遷司業權禮部侍郎乞去除敷文閣待制奉祠起知衢州卒諡文憲所著有雲海啟帚五十卷

蕭振字德起平陽人登政和第調婺州兵曹婦翁薦今執政多私其親宜為時革敝景衡然之高宗幸維揚東南震恐一日婺卒數百斬門入振急往諭以禍福眾遂定執政交薦名對除監察御史繼以親老求外補名為太常少卿遷工部侍郎以講和異議出知台州謫池州起知成都府適軍儲缺奏乞留對糴米入萬斛以足軍食總計者弗便媒孽于朝再謫池州孽者遂代其任培尅蜀民民益思振事聞復遣還成都歡呼載道以奏最加敷文閣學士卒于官著有文集二十卷

林季仲字懿成永嘉人登宣和第高宗幸永嘉趙鼎薦為臺官累遷吏部郎面對乞重縣令

林季仲字懿成永嘉人登宣和第高宗幸永嘉趙鼎薦為臺官累遷吏部郎面對乞重縣令

林季仲字懿成永嘉人登宣和第高宗幸永嘉趙鼎薦為臺官累遷吏部郎面對乞重縣令

之選且云願從陛下丐一令以自效尋除太常少卿出知泉州秦檜主和議季仲引夫差勾踐事以爭之忤檜議罷去起知婺州改處州尋以直秘閣奉祠有竹軒雜著十五卷

張闡字大猷永嘉人登宣和第調嚴州兵曹處州教授紹興中用林待聘薦試館職除正字轉

對請廣求人材任將相母專屈已求和遷秘書郎以忤秦檜嗾臺官劾罷之檜死名爲御史檢法遷

吏部郎兼建王府贊讀久雨應詔陳言謂和戎以來歲有聘幣民不堪命歸正人遣還怨聲載道毋

使敵人甘心縣吏漁奪百姓願嚴貪墨之誅蠲租之命已赦復征願申詔令之禁數者罷去可以感

名天和高宗面諭曰卿言深中時弊遷宗正少卿兼右諭德每進讀有益君德關治道者必反覆言

之孝宗卽位除工部侍郎兼侍讀時詔百僚陳得失闡與王十朋對便殿極論天下事漏下數刻命

坐賜茶遷吏部尚書疏請專任張浚以絕異議引疾除顯謨閣學士奉祠賜金魚犀帶以華其行乾

道初胡銓乞名用舊臣張闡張浚會闡卒上嗟悼贈端明殿學士諡忠簡朱熹曰始終知和議之非

者惟胡銓張闡耳所著有張忠簡文集

張季樗字延卿闡子初入太學用父恩試吏部第

爲司馬徙知潮州罷起知沅州修城郭創貢院崇司馬公福改濠州敵窺邊樗鎮以靜改和州首開

三河復胡昉故跡時將遠討虞其非邊才予祠去積官中散大夫永嘉縣開國男

薛嘉言字獻可永嘉人登政和第靖康末聞汴京訪不獲檢奩器失一金珥仲弟弼曰必徒步赴難

京師爲路資耳數日果自括遺書報去志至臨安聞高宗卽位乃歸後

官司封郎中知台州

薛徽言字德老永嘉人登建炎第高宗幸永嘉以書見中丞趙鼎鼎待以國士及駕還越鼎

劾呂頤浩實用其說高宗褒之鼎謝曰非臣所及
 溫士薛徽言為臣言之明日繳上其書鼎除僉樞
 薦為諫議官頤浩再相惡徽言欲去之乃奏除監
 察御史宣諭湖南北使還前後七十奏極言湖南
 利病案吏十六人薦六人頤浩乃以擅易守臣為
 辭出徽言知興國軍鼎再相名為比部郎起居舍
 人與秦檜于御前論和議反
 覆固爭移晷遂中寒疾卒

沈大廉

字元簡瑞安人登建炎第為樞密院計議
 官紹興初除監察御史遇事敢言給事中

周葵以封駁忤旨去職大廉上疏畱之已而中書
 舍人凌景夏相繼去大廉復言之不報嘆曰不得
 其言可以去矣力求外補除
 直秘閣福建提刑越明年卒

陳鵬飛

字少南永嘉人遂于經學授徒常數百人
 兩舉于鄉皆第一登紹興第調鄞簿名為

太學博士改兼崇政殿說書遷禮部郎初秦檜子
 熺在永嘉從鵬飛學至是熺為侍郎所下文書多

臆決不應令鵬飛每批還之熺寢不平及經筵講
 天王歸惠公仲子贈高宗忽問母以子貴何如鵬
 飛從容正對謂公羊之說非是高宗愕然檜遂嗾
 言者劾鵬飛議慈寧典禮罷謫惠州淳熙末畱
 正始為開陳詒官其孫載有
 詩書解羅浮集十卷行世

鄭伯熊

字景望永嘉人經學尤邃登紹興第隆興
 初名試正字除太常博士稍遷吏部郎出

為福建提舉魏王判宣州南面坐受屬吏進謁幕
 府進劄子亦坐而可否之及伯熊除府司馬遂以
 劄子開說謙德未光嫌疑之際或駭觀聽屢諫不
 聽因自劾改江西提刑奉祠起知婺州除吏部郎
 兼太子侍讀國子司業宗正少卿乞外以直龍圖
 閣知寧國府改建寧卒諡文肅紹興末伊洛之學
 稍息復于伯熊得之有六經口義拾遺
 懃語記聞錄由是永嘉之學宗鄭氏

顧岡

字德鳳平陽人登紹興第授錢塘簿趙鼎罷
 相秦檜力主和議不附者輒擯斥岡不勝憤

激適鄉人蕭振權工部侍郎岡致書於振極言秦趙以泄其不平遂不仕

徐履

字子雲瑞安人紹興戊辰省試第一聞秦檜欲以女妻之廷試對策指斥其奸託為心恙

作逃妄失次語高宗不忍棄去特置榜末歷剛定官國子博士通判信州沿海置制司參議終朝請

郎止齋陳傅良常曰吾鄉徐子雲天下士也

王十朋

字龜齡樂清人少穎悟日誦數千言及長通六經尤精于春秋入太學紹興丁丑廷

對萬言策高宗親擢第一褒之曰經學淹通議論醇正是日詔天下母得以金翠為飾并燔遠方所

獻翠羽用對策語也授紹興僉判秩滿除秘書省校書郎尋兼建王府教授金人敗盟入對乞急用

張浚劉錡以收人望又論楊存中結怨三軍百姓上感悟起浚錡如其言先是秦檜久塞言路至是

十朋與馮芳李浩等相繼論事孝宗即位累遷起居舍人侍御史劾罷史浩史正志每見上力陳恢

復之策徙吏部侍郎出知饒州移夔州饒民乞雷至斷橋絕路十朋從間道去尋改知湖州戶部責

虛逋三十四萬為入告不可即丐祠州人送越境涕泣返起知泉州以治績進敷文閣學士民為立

祠名為太子詹事對選德殿以足弱給扶減拜加龍圖閣學士致仕有大星殞于故居俄卒令漕臣

治喪事諡忠文十朋所學一軌于正自孔孟而下惟歐陽司馬公是師故其文粹然朱晦菴嘗稱之

曰光明正大磊落君子也所著有尚書春秋論語解梅溪集

薛季宣

字士龍徽言子幼孤從世父弼宦遊見故老譚炎與時事輒慨然有當世志荆帥孫

汝翼辟為機宜文字論其才以女妻之遇袁溉授以伊川學得古封建井田鄉遂司馬法之制研貫

講畫鑿鑿可行紹興末調武昌令金人未敗盟季宣先訪求河南陝西弓箭手用保甲法訓練之遂

成勝兵及金人南來移書訣親友誓以死守金兵還圍蔡州甚急其東道兵薄合肥樞密汪澈名季

宣問策季宣白以蔡州要害得蔡將自解又自蔡乘勝拔許昌向陳汝則廬兵不戰而屈後果如其言名對除大理簿進言曰臣所深憂左右近侍陰擠正人而陽稱道陛下倘因而聽之恐墮石顯王鳳鄭注智中又言近或以好名棄士好名特學術之累若人主為社稷計惟恐不好名誠使人人畏名義何事不立孝宗稱善除大理正與虞允文議多不合奏遣使淮西措置流民將還命覆麥田又命視鐵冶歸遷兩官所薦士多旌擢大臣滋不悅丐外守湖州改常州卒諡文憲所著有詩性情說書古文訓春秋經解旨要大學說論語小學通鑑約說漢兵制九州圖志及校讐陰符山海經伊洛遺禮良齋浪語等書士不以經學為空譚自季宣始

胡襄

字季臯其先永康人徙永嘉兄襄嘗直言忤秦檜檜帥之襄登紹興第教授婺州轉臨安

授遷監察御史監國子監秋試時有宰相館客以魁選自期榜揭不符訴于相相亦怒授意所親令

劾襄附趙鼎立專門遂罷隆興初以王十朋薦除江西提刑面對備言宣靖間事臣實親見不惟廟謨外失亦由人心內離願陛下覽觀覆轍備而後動孝宗傾聽除太常少卿兼樞密承旨以疾求去除直徽猷閣江東提刑移福建卒襄早學于胡安國晚交朱熹熹嘗語人曰永嘉前一輩人物究竟終別蓋指劉許以及襄也

何溥

字通遠永嘉人試禮部第一登紹興第歷臨安教授遷右正言右司諫除諫議大夫首論

將帥不治兵而治財戰鬪之士變為商賈又劾鎮江都統制劉寶及吏部侍郎沈介又率同列攻丞相湯思退俱罷之在言路六年號稱職除翰林學士兼吏部尚書以疾請外補授龍圖閣學士領宮祠卒

蔣行簡

字仲可永嘉人登紹興第主仙遊簿四川制幹滁州倅監明州市舶務改知海鹽縣

有聲還朝褒生平所著樞言五十篇上之通判興國軍值大旱疫疾大作行簡從一馬二卒齋藥療民知硤州常德府湖北提舉沅辰澧靖四州安撫諸司舉異績台對清輝殿不果用後因韓侂胄困趙汝愚行簡憤痛感疾卒

劉鎮

字方叔樂清人與兄銓同受季父祖向學登紹興第任隆興府司法有重囚九人獄已具

鎮獨察其冤覆果得真情白于郡悉脫之移武義丞築溪塘數百丈改知長溪縣政績尤著民為立祠遷隆興

通判卒

林湜

字正甫其先長溪人徙平陽登紹興第為富陽尉以弭盜功改知晉江時大造船艦當料

民湜不忍欲投劾去諸蕃寓居者義之咸助其役艦成而民不知秩滿通判南劔州奏罷榷酒紹熙

初遷監察御史上言陛下托股肱于宰執而除撥多小人寄耳目于臺諫而彈劾多君子坐是見思

出為江西轉運判官州縣雜稅之在漕司皆除之歲捐數萬緡而漕計不虧歷太府司農卿韓侂胄擅權力請外除湖北轉運副使進直龍圖閣致仕時朱熹以黨論斥士諱其學湜獨執弟子禮每馳書質問著有盤隱類稿十卷

王栴

字木叔永嘉人登乾道第調婺州推官漕司增本州上供米三萬斛守以下不敢爭栴獨

移書新守言其不可守以聞遂免知績溪縣積錢買田為塘六十八塌浚舊陂百頃瘠土轉腴知江

陰軍開蔡涇渠五百里通漕輓名為吏部郎歷司業秘書少監知贛州贛士在元符黨藉四人栴語

之曰汝州多正人若此後生可弗勉民感此意犯法日稀

薛紹

字承之永嘉人登乾道第歷知宜春鄱陽縣守真和二州除浙西提舉改提刑遷戶部郎

淮東總領增餉軍鹽錢比舊多三百二十萬執政駭異名為太常少卿忤權要以直秘閣致仕卒在

真州時有女媪自言其祖為先朝諫臣紹優與金帛擇士人嫁之歸田傲洛冲作真率會酒酣擊所藏靈璧石為笑樂

丘何

字漢規瑞安人登乾道第宰連江縣晚始登朝監進奏院遷太府簿時方詆道學世以為諱雖六經孔孟語亦避何獨奏中庸及皇極偏黨之義慶元丁巳有事南郊太常卿丞缺何攝卿行禮自受誓戒至飲福細大無遺聲名驟起以不肯謁當路積二年出守袁州卒

徐誼

字子宜平陽人登乾道第教授池州除太學博士遷樞密院編修官時孝宗臨御久威福由已臣下多皇懼誼入對因論樂制從容奏曰臣聞宮亂則荒其君驕商亂則陂其臣壞聲音之道與政通帝改容曰卿可謂不以官自惰者及光宗即位誼言聖王有至誠而無權術以寓諷歷吏部左司郎慶元初除工部侍郎指為道學黨罷謫南安軍移袁婺二州有頃起知江州進寶謨閣待制

知隆興府當孝宗時鄉人蔡必勝知閣門誼使必勝通韓侂胄白太皇定策後侂胄自以為功誼與

汝愚俱貶及侂胄誅誼絕口不言前事卒諡忠文

蔡必勝

字直之平陽人乾道丙戌右科對策第一授江東將領名為閣門舍人曾覲方倖用

事異其來見必勝終不往出知邵州陞辭論擇方面人材及天下大計孝宗器之光宗在東宮聞其不見曾覲嘆為佳士及即位擢知閣門事孝宗升遐光宗不能喪必勝與趙汝愚徐誼定議立寧宗韓侂胄專權忌之出知池州尋改廬州既隣敵境浚淝河造戰艦大張聲勢封馬亮包拯墓新趙立魏勝廟以寓嚮往擢吉州刺史奉祠卒

陳傅良

字君舉瑞安人年未三十文名擅天下讀書仙巖學者景從永嘉鄭伯熊薛季宣皆邃理學傅良師事之入太學與張栻呂祖謙友善乾道壬辰廷對擬第一不果調泰州教授除太學

錄出判福州知貴陽軍名爲吏部郎入見光宗迎
 勞曰朕思見卿久矣其以所著書進次日上周禮
 說除秘書監兼嘉王府贊讀遷左史兼中書舍人
 光宗疾發久闕南內定省中外切諫一日得旨過
 宮百僚班俟光宗已出御屏慈懿后復挽入傅良
 引裾隨至御屏後后叱之傅良哭于庭后遣問曰
 此何理也對曰子諫父不聽則號泣而從之后益
 恣傅良下殿不返舍竟出國門寧宗卽位名爲中
 書舍人時朱熹爲煥章閣待制侍經筵同日進朝
 未幾名熹外補傅良連疏奏請至云內批之下臣
 不敢書行乃進熹寶文閣待制同修撰慶元中僞
 學論起遂奉祠歸榜所居曰止齋嘉泰二年起知
 泉州引疾除寶謨閣待制卒諡文節所著有周禮
 說春秋後傳左氏章旨毛氏詩解詁讀書譜漢兵
 制建隆編兩漢史鈔止齋文集學者稱止齋先生

蔡幼學

字行之瑞安人登乾道第初學于陳止齋
 廷對將寘魁選以過于切直弗果教授廣

德軍擢剛定官奏對語如廷試時孝宗喜曰解卿
 意欲朕立規模爾遷校書郎學禁將兆力請外補
 除福建提舉奉祠名爲吏部郎遷中書舍人時韓
 侂胄死餘黨尚塞正路幼學盡掃除之號稱職除
 刑部侍郎出知福州奉祠歸名除權兵部尚書兼
 詹事卒諡文懿有國史編年政要歷六事記備忘
 辨疑文懿公集

薛叔似

字象先弼族子登乾道第調鄞簿孝宗欲
 廣言路特設補闕拾遺二職以補闕命叔

似首陳建中執中用中之旨上嘉納劾宰相王淮
 久妨言路罷之朱熹爲林栗誣奏力爲辨明孝宗
 升遐使金國告哀執義撤樂使還徙將作監遷秘
 書監權戶部侍郎黨論興免官繼入黨籍久之起
 知贛州輯寧三郡贛爲立祠除吏部郎未幾帶職
 宣諭湖北京西兵部尚書充宣撫使謀取唐鄧拜
 端明殿學士會麾下將忌功相戕與副使陳謙
 俱罷後以端明恩數致仕卒年八十諡文節

陳謙 字益之永嘉人登乾道第教授寧國除國子

通判江州徙知常州開孟瀆均溉民田獎善罰惡

州稱神明除湖北提舉改提刑辰州徭掠辰沅固

邵四郡謙提軍搗其巢降八十餘峒徙成都路提

刑造李冰堰嘉州繩橋褒禮耆彥擢湖廣總領進

實謨閣待制京西湖北宣諭副使坐事罷起知江

州奉祠卒著有易菴文集周禮說春秋解永寧編

彭仲剛 字子復平陽人登乾道第主金華簿衢州

欺將使民實得食也待覆而民不食死久矣乃發

粟恣仲剛賑民賴以活移臨海令名為勅令所剛

定官遷國子監丞知全州減郡費寬商稅免槩量

斛面擇學師教其弟子親執經講說曰此古所謂

庶富而教也終浙

東提舉階朝請郎

葉適 字正則其先括蒼人徙永嘉次安稟茂異十歲

能屬文淳熙戊戌廷對第二除太學正遷博

士朱熹為林栗所劾適上書辨其誣知蘄州與處

士李之瀚切劘性命之學遷吏部郎孝宗升遐光

宗不能執喪適贊趙汝愚請嘉王叅決遷國子司

業韓侂胄以遷秩不滿怨望適白汝愚謂侂胄所

望不過節鉞宜與之汝愚不從適曰禍始此矣力

求外補除淮西總領汝愚貶衡陽適亦為御史胡

絃論罷知泉州寧宗朝召為工部侍郎尋徙吏部

兼直院侂胄專政議北伐適避草出師詔不拜以

寶謨閣待制守金陵引疾請祠里居十五年進寶

文閣學士卒諡文定適生平喜讀書考論古今自

成一家言至高麗亦購求其文所著有習學記言

荀楊問答外藁冰心集明季合陳龍川集刻之為

有宋二名家集學

者稱冰心先生

戴溪 字少望永嘉人築精舍岷岡與王栴讀書其

累官太子詹事以經學輔景獻太子太子親書明

經扁其堂終工部尚書推翼贊恩贈端明殿學士

人物

論文端溪性行純實不務新奇可喜之說識者服其理到常遇朱熹于旅邸熹從行者眾溪謂之曰獨不畏鉤黨之禍耶熹矍然散遣之嘉定間朝議欲盡核奸黨竄嶺表溪獨援紹聖往事恐貽君子小人反覆之禍議遂寢著有易詩春秋說論孟問答通鑑華義將鑑復讐對岷隱集學者稱為岷隱先生

王自中

字道甫平陽人乾道間議罷諸正人自中伏麗正門爭論且言今內空無賢外空無兵當蒐豪俊募忠勇以圖中原坐斥放還登淳熙第用中書舍人王藺薦召對上壯其言貌改官藉田令通判郢州尋知光化軍還朝光宗曰壽皇以卿屬朕卿始為郎以相伴乎自中謝臣已累壽皇不可復累陛下固請外歷知信州邵州興化軍屢為忌者疏罷終朝請即嘗在時相坐有饋物者客皆賦詩自中得鹿韻得方字搖膝朗吟曰世間此物多為馬寶匣還宜出上方相色慘愠客惶恐不

安席自中飲啖自若陳亮評其文曰顏筋柳骨又云今人才雖多求如道甫髣髴不可得葉適以其

品與陳亮同合誌其墓著有王政記原歷代紀年厚軒文集

王允初

字元甫永嘉人登淳熙第知餘杭通判德安府開禧間金人以重兵圍城甚亟允初

登陴固守相持百八十日敵解圍去擢知本郡遷京西提刑湖北運使知鄂州召赴行在卒諡忠敏

林頤叔

字正仲瑞安人與弟淵叔俱受業陳止齋頤叔登乾道第任羅源簿民俗親死葬其

骨和以眾薰凌風飄揚曰升天頤叔導以甕塚惡俗頓革有大辟坐刃殺者辨為艾瘡釋之遷建康

戶部贍軍酒庫丁父憂哀毀成疾

曹叔遠

字器遠瑞安人少學于陳傅良年十九以春秋魁鄉薦登紹熙第李壁薦為國子錄

忤韓侂胄罷通判涪州歷四川麾節後守遂寧營卒莫間苦餉臣侵尅因稱亂勢張甚比入遂寧境

輒戢其衆曰此江南好官員也無敢暴者終
徽猷閣待制諡文肅嘗編永嘉譜盛行于世

黃中字仲庸平陽人學以關洛為宗登紹熙第歷
館閣累遷起居舍人兼侍講出知袁州泉州

以右文殿修撰卒中舉進士第三人越三十載居
官僅十年故得肆力于學與朱晦菴往復辨論欲

實地用功不徒托之空言嘗校藝漕闡時學禁方
嚴中發策有云平居不以利祿入其心培植涵養

如木有根水有源用之則回既倒之狂瀾不用則
唱和寂寞之濱亦足以名世任此責者誰與後晦

菴見之曰近年若此等議論令人嘆服初入經筵
寧宗曰朕正賴卿輔佐語之再三中前後三十餘

疏傾心忠鯁無所回撓
魏了翁以為古之遺直

徐定字德操閩之晉江人教授處州娶永嘉鮑氏
因家焉知邵武縣通判太平州宣州妖民胡

木匠煽亂誘聚數千人縛巡檢貫其耳以徇漕司
俾定攝州事定馳入境下令曰汝等苦不飽耳能

自首亡罪衆皆趨令妖首亡
命去州境以安擢守湖州卒

徐瑄字純中定次子捧賀光宗即位表補將仕郎
試中法科由評事積遷朝奉大夫大理少卿

濟郎獄典史彌遠囑其傳會賊殺無辜啖以美官
瑄不從遂削秩謫道州卒端平改元侍御史王遂

請加褒贈詔復原官贈集英殿
修撰命有司立勸忠坊于第左

陳大紀字正之永嘉人登慶元第任邵陽尉來賓
轉廣州兵鈐知象州改昌化軍尋知橫

州秩滿適妖賊侯慶李藍六煽亂鬱林貴竹廣右
騷動諸司環視畏却大紀慨然奉檄節制飛虎摧

鋒兩軍親冒矢石殲其渠諭散賊黨入
對名試閣門舍人以平賊功轉兩官

曹幽字西土叔遠族子少從錢文子學登嘉泰第
為浙西提舉建虎丘書院以祀先儒尹焞徙

浙東提刑寒食放囚歸祀囚感泣如期至名拜司
諫與王萬郭磊卿徐清叟號嘉熙四諫疏勸理宗

人物

五二八

儲震器厚倫紀以弭天災又論余天錫李鳴復之過忤旨除起居郎進權禮部侍郎不拜疏七上後以寶謨閣待制致仕卒諡文恭

趙立夫

字德成樂清人登開禧第出知嚴州儲粟入對理宗諭之曰京師細民當一意撫摩使常在春風和氣中遂于府西建春和樓推廣德意奉祠去起為浙西提刑兼守平江有旨和糴立夫奉詔糴二百萬斛不擾而辦復以戶部侍郎兼京尹都

民喜曰吾儕又在春風和氣中矣尋除刑部尚書引疾授龍圖閣待制提舉萬壽宮進寶章閣學士卒立夫性敦厚仁恕嘉熙大饑日設粥活數千人累月不輟藥病瘞骼無倦容杜範稱之曰趙德成活人手也

趙時詰

立夫子嚴毅清慎為浙西憲時道經太湖遇賈似道還京邀之引舟避去後為太府

卿又數忤之遂貶融州貽書諸弟嘆國柄下移冀有為以行其志竟卒

趙若恣

字安行時詰子以門功補新城尉歷武進城以棧填坑出入二十年不輸賦吏累捕之乃決水漂棧捕者死竟不獲恣白于府值趙與檟為守

辟恣攝司理乃與與檟選甲士焚其居獲辛等二十餘人獄成聞于上戮之以能改浙西提刑司有吳正者通其子婦妻憤而縊正以弟良曾與妻詈潛以尸掛良戶訟良恣夜讞獄風颺起滅燭隨燃隨滅恣怪之輟而就寢夢一媪曰妾吳良嫂也冀公理其冤獄明日核之得其情遂白釋良後銓除當得大理評事賈似道嫉之出為福建檢法元兵至臨安秀王辟管機宜守台州城陷未幾卒

方來

字齊英永嘉人從葉適學登開禧第教授安

薦除監察御史遷左司諫面對乞早建儲及他事皆剴切除起居郎擢權兵部侍郎知漳州朱晦菴

昔守是郡北溪陳淳從之學前守建龍江書院乃于側建道源堂祠晦菴以淳配奉祠歸里景定中推恩特除寶章閣待制與比隣翁永年並命郡為二人立仁壽坊

周端朝

字子靖行已族孫少淹貫經史為葉適所知繼從朱熹于武彝紹興中入太學趙汝

愚為李沐所攻罷相端朝偕同舍楊宏中等疏救得罪羈信州時號六君子登嘉定第教授桂陽軍首立濂溪祠以示矜式秩滿除太學錄遷博士入對言人主之學與士大夫不同士大夫一心存亡繫一身之是非人主一念操舍關天下之休戚遷秘書少監兼侍講復上言近歲經筵例責成兼職令抱道篤學之士列庶官而置散地乞廣加收名以備其選於是蔣重珍徐清叟葉味道等相繼進用端平初議興三京之師端朝力言其不可已而師徒撓敗果如所料除權刑部侍郎卒諡文忠

葉味道

字知道初名賀孫永嘉人師事朱熹于武彝登嘉定第教授鄂州理宗朝除說書故

事說書止說通鑑味道言論語二十篇皆人主修齊治平之道臣熹集解最為精切乞自今先講論語後說通鑑從之在經筵上言人主之學天下之福也必堅志氣以守所學勤幾微以驗所學正綱常以勵所學用忠言以光所學一日帝問伯有之事味道引經陳奏并借以婉諷皇子竑議者推服除秘書郎兼工部郎卒景定間門人范東叟請諡曰文修所著有四書說儀禮解經筵口奏講義宗廟郊祀外傳學者稱西山先生

陳求魯

字質甫樂清人明敏博涉尤精于易登嘉定第倅臨安府監左藏庫史彌遠欲害濟

王憚求魯在乃出知南劍州民相謂曰史相尚畏此人我輩敢犯乎時劔新殘破求魯奏蠲租稅仍出私帑以賑名為司封郎真德秀薦之陞左正言積階朝散大夫理宗郊天烈風迅雷擊壇上從官披靡獨求魯與杜範植立上益重之陞兼侍讀尋晉大理寺卿卒

陳力脩

字介翁平陽人紹定己丑力修以上舍優等第一登第除禮兵部架閣被旨督運江東給豐毫廬壽致米三十五萬斛遷泰州通判知無為州除司封郎尋轉浙西提刑海寇蘇阿六債暴眾所切齒前使者置不問乃設計授吏禽之正其罪浙右震肅除祭酒兼中書舍人面對言揆路蔽賢之罪理宗大悟會戚里有以濫恩驟起者格其命遂奉祠去盜起秋浦朝廷欲鎮以舊人名與憲節往諭盜聞風潰去尋乞祠歸

潘凱

字南夫樞從子弱冠入太學嘗上書言史彌遠擅政登紹定第教授常德府勇信軍士作亂凱馳入營裂帛植于門日在營者非叛軍士皆歸伍無敢後乃戮其首亂者郡人德之立祠與董槐同祀淳祐未除監察御史三疏論丞相鄭清之不勝任未報即歸後以宗正少卿除秘閣修撰都承旨進刑部侍郎丐外擢寶章閣待制知太平州卒子希聖嘗率六館論丁大全終戶部侍郎

吳舜龍

字君友永嘉縣人登紹定第知於潛縣以清約裕周察有知縣只飲於潛水之謠擢監察御史首陳備禦三策及救荒恤刑疏徒秘書少監轉浙西提刑奉命慮囚所至無枉以大理卿名尋奉祠卒質朴坦彝無疾聲厲色一榻蕭然惟以書冊筆硯自娛

項公悅

字無欲永嘉人初調閩縣簿再調福清邑有七賢之誦以公悅居首改無為軍司理讞閱忘寢食獄幾空知侯官縣會歲旱禱雨瑞澤潭潭在萬山頂披棘行烈日中數十里下山雨隨注歲稔而公悅病暍矣及革語不及私林石室銘之曰以死救民誰則有此

朱熠

字明遠平陽人端平右科第一特賜進士出身除監察御史上疏略曰境土蹙而賦斂日繁官吏增而調度日廣景德慶曆以三百二十餘郡之財賦供一萬餘員之俸祿今以百餘郡之民力贍二萬四千之冗員欲寬民力必汰冗員不報遷同知樞密院事咸淳末賈似道柄國罷歸

周元龜

字錫爵平陽人登嘉熙第歷江淮諸司幹官開慶間提轄左帑時太學生叩闕言事

時相怒其攻已欲去之將以元龜為諫官諷以意元龜正色曰臺諫天子耳目不可以市私恩直士國家元氣不可以報私忿遂被劾除主管誥院未幾委買江東限田元龜曰熙寧間海內無事王安石石以新法騷動釀成不忍言之禍普天莫非王土未聞瘠子以肥父而家可為者遂被劾道病及門而卒自號蒼巖有蒼巖雜著八十卷

王持厚

字載仲樂清人在太學率六館叩闕論史嵩之登淳祐第入浙西帥幕丁大全為從

官所薦持厚謂其內懷奸詐外示狂率使其得志必為國家憂大全恨之後以著作兼左曹郎及吳潛罷持厚言于理宗曰宰相以進賢退不肖為職不問恩讐潛不當罷爭之甚力似道怨潛甚并疑持厚黨潛由是十五年間三遷不越曹郎三典郡皆不終似道敗始除大理少卿

林裕

字藏英永嘉人與弟易同登淳祐第教授書江府以周程諸書為學者講說置乳洞莊以

建貢上除國子錄坐諸生上書罷謫婺州景定初以博士名歷宗正簿秘書著作郎兼工部郎知徽州除監察御史面對言不世之大功易立至微之本心難保敬肆稍殊影響絕異遷右司諫擢起居郎進擢吏部侍郎卒

趙與震

字震道永嘉人與弟與琇同登淳祐第為常德府推官郡守將上薦廣莫適所予乃

集幕僚於公署鬪之與震獨稱疾不赴守賢之同列亦愧服知鄞縣究心撫恤數以公事與制鬪爭無所降屈通判興化軍監登聞檢院知梅州未赴卒與琇字器道為建寧府司理推鞫多所平反時馬光祖以闔兼守號為一代理師僚幕擬筆稍不當意輒斥詈塗竄獨以與琇為能改知瀏陽縣通判紹興府除將作簿卒

陳壽孫 瑞安人登寶祐第調台州教授新郡守為

季氏聚斂聖人鳴鼓而攻今太守乃丁大全聚斂

之徒可升吾夫子之堂哉守聞遂解綬去後直龍

圖閣為福建提刑貪吏聞風引避入覲與賈似道

爭鹽法事被劾歸元兵徇瑞安率市人禦于白巖

橋取扉闔牀桌累以為柵兵至民散潰遂被執元

將欲降之噴目視之曰我大宋憲臣乃從爾耶被

死

劉黻 字質翁樂清人為太學生時陳垓奏罷程公

延去正人成帝惡又上書諫幸西太乙宮及丁大

全用事黻與陳宜中等伏闕論其脅逐董槐之罪

時號六君子大全遷諫議大夫臺臣希旨誣黻謫

南安軍大全敗乃還登景定第授昭慶軍書記名

試館職除監察御史疏論內降恩澤之濫遷右正

言歷官吏部尚書德祐初拜端明殿學士叅知政

事尋隨王邸入廣卒于海上贈亞樞諡

忠肅著有蒙川集弟應奎主官誥院

陳宜中 字與權永嘉人登景定進士第二人初為

歷左丞相宋亡遁之占城死

林景熙 字德陽一字霽山平陽人由上舍釋褐歷

泉州教授禮部架閣元兵入浙盡發宋帝

諸陵餘骸委棄草莽人莫敢收景熙與鄭樸翁等

數人相率為採藥者至陵上以草囊拾而收之又

聞理宗顛骨為北兵投湖水中復以錢購漁者幸

一網而獲乃盛以二函托為佛經葬之越山植冬

青樹為識賦冬青行及夢中作詞旨幽惻

聞者悲之有白石稿白石樵唱盛行于世

鄭樸翁 字宗仁平陽人弱冠入太學咸淳未賜上

舍釋褐歷福州教授國子正與友人林景

熙潛拾宋陵遺骸瘞越州歸隱蕪山瀑下著有四

書要旨二十卷禮記正義一卷續古雜著三卷厚

斤工通志

卷之三十一

人物

六十三

倫書一卷景熙銘之曰予與君生同里學同師又同出處君沉毅直方自許致君澤民志不獲遂猶以語言文字扶植綱常精衛填海馮霄御士重可悲也按拾骸事史載唐珏者誤

王有開字守仁平陽人初在右庠叩闈論史嵩之起復非是陳盧允升董宋臣之奸并余晦

帥蜀無狀由是知名繼登右科參贊戎幕咸淳辛未換文登第德祐初編修官兼右曹郎出知惠州

不赴博學疆記經史子傳旁及仙經洞章過日輒記憶晚慕賀知章為人黃冠野服逍遙物外年八

十四卒

林逢龍字慶雲平陽人游郡庠從父湖北提舉以胃牒補大學景定庚申邊警上書陳戰守

淳熙丙寅與弟廷龍叩闈言事忤時宰意歸郡守江萬頃待以師禮壬申復至京師與同舍齊應魁

等上封事乞正賈似道悞國之罪急調兵解襄樊圍似道大怒削其籍押還本貫乃屏居寶巖山中

德祐丙子元兵至溫其將素聞逢龍名令軍校至山中索得之迫以入城逢龍攘臂怒罵以腹觸其

刃而死遺有草塘集二十卷古論十卷

陳虞之字雲翁永嘉白泉人登咸淳第教授揚州改淮東帥幹兩浙漕幹除刑工二部架閣

遷秘書省校勘辟廣王府記室參軍積階承議郎元兵至溫虞之率子姪鄉人千餘登芙蓉巖誓以

死守元兵攻之屢為所敗越二載力竭乃盡以家資投巖隙中自到死妻子鄉族從死者八百餘人

元姚樞字斗璿永嘉人少聰敏書一過目終身不忘為文有詞采通書經宋季領鄉薦元初絕口

不言仕進隱居教授延祐間郡守趙鳳儀請分教郡庠從游甚眾

曹理孫字悅道瑞安人精敏好學通道德性命之旨尤善古文下筆輒就趙守鳳儀延至學

宮模範後輩晚年進德不倦識見愈高年八十四卒金建陳華祖曹瑾鄭昂皆出其門著有心遠齋

筆記讀經史要略類編杜文訣

彭廷堅

字允誠瑞安人登至正乙酉第授沂州同知以平反獄囚忤上官意棄歸起建寧崇

安尹有山寇犯閩廷堅禦却之以功擢建寧路同知遂定建陽浦城邵武諸賊殲其渠陞福建副都

元帥分鎮邵武盜侵政和行臺檄廷堅討之鎮撫岳煥縱麾下兵為暴廷堅治其事煥懼乃使部卒

詐為賊突入左右驚潰遂遇害百姓巷哭為醢奠立祠行部御史余觀識其狀遂誅首謀者聞于朝

詔贈中奉大夫福建道宣慰使都元帥諡忠愍侯觀仍為文祭之

季完澤

字坦之永嘉人至正未從江西左丞余宗

嶺關行省檄令從征完澤勇于討賊凡兩戰關下皆勝後為賊所擒與妻弟金德俱被縛于樹以白

刃脅降完澤呼曰金舅男子漢即死不可聽賊德曰此言最是因大罵賊怒剖二人之腹而死

張庸

字存中其先真定人父清父從晁招討來溫因家焉庸性豪爽精太乙數以策干經略使

李國鳳授福建行省員外郎治兵于閩會計事赴京因進太乙數圖順帝喜之擢秘書少監時太子

立大撫軍院命庸團結房山遷同僉將作院事除刑部尚書會諸寨既降庸守駱駝谷遣從事段禎

請援擴廓帖木兒不報庸嬰守拒戰眾將潰庸無去志已而寨民李世傑執庸出降見主將庸不屈

與禎同被殺

周嗣德

字宗道平陽人父應奎以浙東帥府同知致仕嗣德廕授海口場司鈐至正十四年

盜起閩括蔓延溫境浙東帥恩寧普檄嗣德擢平陽州事遂與弟誠德名募義勇團結民兵勦捕賊

黨李師吳第五等境內以安嗣德累陞至江浙行省叅知政事時方明善據溫郡忌之以兵襲平陽

執嗣德囚于鄞洪武初起知應天府卒

周誠德

嗣德弟嗣德權平陽知州誠德為州同尋遷樞密判官方明善據郡屢侵平陽誠德

敗之香山又敗之徐洋累官浙東道副都元帥明善深畏之乃賂遺麾下使徂伺于內遂被執大罵不屈明善趣左右剗其皮誠德曰雖羸粉猶勝從爾活况剗皮乎遂遇害既死猶屹立

高明

字則誠瑞安人以春秋登至正乙酉第授處州錄事時監郡馬僧家奴貪殘明委曲調護

民賴以安去任民立碑青田劉基為撰文調浙東闔幕轉江南行臺椽尋除福建行省都事道經慶元方谷珍強畱幕下力辭不從寓鄞之櫟杜以詞曲自娛感劉後村滿城都唱蔡中郎句作琵琶記明太祖聞其名名之以疾辭使者以琵琶記上上覽之曰四書五經在民間譬之五穀不可無此如

珍羞之屬俎豆間亦不可少

明孔克表

平陽人至聖五十五代孫博學篤行登元至正戊子進士避元亂洪武癸丑詔徵為

翰林修撰七日命以恆言註釋羣經使人皆得其說而盡聖賢之旨克表等承旨註釋四書五經以

上賜名羣經類要

林溫

字伯恭永嘉人元季以春秋魁鄉薦文名傾海內洪武初授秦王府教授典浙閩二省鄉

試宋濂稱其詩文本于氣之所養與世之學者自異著有栗齋文集

季應祈

瑞安人少穎悟受春秋於高則誠既而得關閩諸儒全書讀之及百家史子靡不究

極津津涯嘗誨人曰窮經以致其用反躬以踐其實不如是奚益洪武間以明經薦於朝引年告老有

樊莊集

徐興祖

字宗起平陽人受學于史文璣明易詩書三經洪武間授溫州府學教授以性理之

學開導諸生登顯仕者眾尊曰橫陽先生秩滿引疾歸尋起為郡訓導丙子江西聘司文衡

卓敬

字惟恭瑞安人七歲從羣兒戲有見者指曰此兒骨法殊異必為名卿惜血不華色耳性

至孝讀書寶香山時年十五不廢定省一日夜歸值大風雨昏黑迷所之得一牛憑之而歸及啓門

乃黑虎也登洪武戊辰一甲第二人除給事中國初制度新立諸王服飾多僭踰敬乘間白上曰京

師天下視傲聞諸王禁中服飾有擬太子者何以令天下上嘆曰卿言是吾慮未及此陞宗人府經

歷累陞戶部侍郎建文時上徙封疏乞移燕王南昌以絕禍本帝覽之大驚一夕諭以燕王骨肉至

親敬曰楊廣隋文非父子耶靖難兵入下敬獄不屈戮之誅三族隆慶初詔錄革除諸臣諡忠貞

東湖樵夫

樂清人不知姓名永樂改元詔至樵夫適負薪至港橋聞市人語云天子自焚

死新天子已卽位矣遂長吁失聲投橋下水中死

鄭士達

字達世瑞安人洪武二十六年以貢任肥鄉訓導靖難師南下徇廣平有議迎附者

達毅然曰我儒官也若隨風效順如綱常何激守臣相與堅壁以守不克棄官歸永樂三年詔逮諸

逆命者達坐戍右屯衛聞命慷慨而行

余堯臣

字唐卿永嘉人早以文學著元末客會稽越帥院判邁善卿參政呂珍羅致幕下與

有保越功薦剡交上無意仕進卽越之桐桂里治圃結茅署曰菜窩已而入吳居北郭與高啓張羽

等為北郭十友卽所謂十才子吳亡與楊基徐賁同被徵謫戍濠州洪武二年放還授新鄭丞

黃淮

字宗豫永嘉人洪武丁丑進士為中書舍人永樂初簡直文淵閣陞翰林編修進侍讀每

侍左右備顧問上一日問建儲對曰立嫡以長萬世法也皇太子冊立陞右春坊大學士兼東宮侍

讀又勅兼輔導皇太孫上北狩准同尚書蹇義楊士奇居守復為高煦所譖會奉表行在稍遲坐迎

上不敬逮繫詔獄凡十年仁宗卽位遷通政使兼武英殿大學士尋加少保戶部尚書宣宗親征高

煦命佐鄭襄二王監國以勤勞致疾乞歸宣德八年葬淮父淮趨闕謝恩上賜遊西苑命主會試尋宴餞於太液池親製宸翰以寵其行優游林下十餘年卒謚文簡所著有介菴集省愆集歸田稿淮歷相兩朝恩賚殊渥而居第有古旋馬風子棐為尚寶司丞采為太常少卿精筆札工詩文

楊景衡

瑞安人永樂中領鄉薦任兵部主事遷吏部稽勳郎中出為福建左叅政廉介自持

政行不擾文皇北征用輔臣薦命總督糧餉既班師令景衡復任上親臨軒慰遣之曰聞閩人望汝若渴宜急往無怠閱三十年不遷後以老乞休年八十六卒有詩文行世

曹睦

字肅賓瑞安人叔遠族孫永樂甲申進士選翰林院庶吉士時文皇擇親王輔導授睦秦

府伴讀日以勸講輔德為職會李海誣王不軌睦上疏力辯其非仍舉河間東平事勉王以憂歸服除赴闕疏諫征交趾上嘉納復補秦府紀善先後任秦邸三十年歷事四王初終一節人謂有董賈

風焉

陳奎

字秉文平陽人永樂甲辰進士歷禮部主事工部都水郎中三使彝邦嘗數解大僕陳汭

馬政之譴蠲逋戶以萬計正統初議也先桀驚必犯順宜于河套諸處增城堡以防馳突至己巳果有土木之變又疏論中涓王振之黨王山彭得清救侍講劉球廷論壯之

黃養正

名蒙以字行潮光子自幼岐嶷善楷書七歲隨父至京永樂中引見授中書舍人累

官至太常少卿官殿坊扁碑刻多其所書性尤端謹淹博工詩文宣宗甚愛之南還賜詩以別正統己巳之變先事陳諫弗從扈駕次土木也先衝逼行營臣屬驚怖養正獨衛護弗避及駕北狩死之衣冠歸葬天順初追贈太常

卿廕一子世襲錦衣百戶

范霖

字時雨樂清人宣德丁未進士以行人使萬里外歸篋蕭然擢御史彈劾不避權貴時都

御史周銓苛刻貪暴霖悉條其不法事合十三道
共劾之有詔逮都御史銓心悸自經十三道譴謗
霖係首議下獄擬大辟霖不怖色會詔恤刑
乃減死出獄越十餘日病卒人稱為真御史

鮑輝字叔大平陽人宋元豐議諫純之後登宣德
癸丑進士任工部給事中改刑科正統己未

京城水輝請浚支流拓水門置閘以時啓都民德
之朝覲官至輝奏車服以庸虞廷盛典請廉其治

行旌之以風有位上從之得布政丁滋等十人賜
金帛宴禮部延綬黜校誣都御史受賕鬻法命輝

往廉之抵誣者罪瓦刺入貢廣買釜篙恐其鍊為
兵器請禁之已也先犯邊上議親征輝屢疏諫

不聽扈駕北往歿焉
景泰初贈官廕其子

謝南字天啓平陽人洪武辛酉括寇發脅從者眾
募義士招之南請行冒白刃諭以禍福眾欣

然來歸既而延安侯總軍來討南具以狀聞乃止
戮渠魁釋者萬計未幾朝論難之南副伏軍門請

救急烈延安侯為條奏始釋時推其有
遇亂救民之功後以薦授山西叅議

章綸字大經樂清人正統己未進士景泰時為儀
制郎申疏陳時務十六事英宗歸自北狩尊

為太上皇別居南內時憲宗已在儲位明年乃易
兩宮會天變綸遂上修德弭災十四事其一言上

皇居臨天下是天下父也陛下會受冊封是上皇
臣子也獨奈何陛下不率羣臣以時朝見又日復

注后中宮以正壺範復沂王儲位以崇大本庶五
倫全備則天心回而災異弭景帝覽之大怒時宮

門已閉乃從闈出旨逮下錦衣獄榜掠加烙鐵逼
令誣引南宮慘酷瀕死卒無一語會天大風雨黃

沙四塞乃密勅緩其獄囚錮之明年因罪廖少卿
復杖綸及御史鍾同各百同死綸復甦仍錮之英

宗復辟出綸擢禮部右侍郎解頸鍊勸其白如銀
時石亨以已有迎復功恣橫大會公卿獨綸不赴

卿之短于上遂調南京憲宗受遺詔議婚綸馳疏
諫沮幾得罪詔勿問後以星變乞骸歸疏三上乃

下成化癸卯終于家遣官祭葬贈禮部尚書
諡恭毅官其子所著有奏議集思錄困志集

章元應字順德樂清人綸子從宦雷都中鄉試有
論其大臣子當引嫌還為邑諸生試浙省

復中成化乙未登進士任南京禮工二科給事中
慷慨敢言有父風孝宗朝嘗陳五事又按劾中官

汪直并其黨陳鉞疏救邊臣馬文升薦王恕丘濬
楊守陳何喬新堪任宰輔時論偉之累官廣東布

政使卒著
有曼亭稿

陳宣字文德平陽人成化辛丑進士授工部主事
治徐沽頭等閘漕商兩便時議添新閘宣力

止之省費萬計陞刑部郎中以同列章寔事株累
謫彞陵州其俗女耕男織尚巫鬼宣力更其俗陞

河南知府毀淫祠十數創二程祠署後多曠地廟
為圃見僕揮鋤有聲令掘之得藏金卽白臺泉悉

以充邊餉晉雲南左叅政
致仕歸所著有潛齋集

高友璣

字肅政樂清人弘治庚戌進士以刑曹出
守九江治為十三郡最時田川土官岑猛

作亂廷簡有幹局達權變者官其地遂陞廣西叅
政管四川府事命下單車入境諭以順逆禍福不

煩兵而束手聽命擢陝西布政使尋陞副都御史
巡撫大同以抑貴幸坐致仕用薦起為總督漕運

副都御史誅江淮鹽徒首惡宥其脅從漕路肅清
晉南京刑部尚書尋謝病歸為人恪恭嚴整善守

成法所居室朴隘卒無所增出不從車騎見者不
知其為貴人以壽終賜祭葬贈太子少保諡襄簡

王瓚

字思獻永嘉人弘治乙卯鄉試第三人丙辰
進士及第第二人充經筵講官進講舉直錯

枉舉宦官臣妾以諷蓋微指逆瑾也瑾怒捏旨詰
責幾得禍遷國子司業瑾誅進南祭酒講明正學

著四書五經誠敬等箴改北祭酒擢禮部侍郎時
車駕數巡幸儲位久虛乃疏請育宗室一人于宮

中并乞回鑿語甚切直持節封玉山王賜一品服
世宗繼統瓚適署部事會以毋憂歸尋卒贈禮部

尚書諡文定所著有
正教篇甌濱集郡志

朱諫

字君佐樂清人弘治丙辰進士守贛州逆揣宸濠必變日儲餉募兵浚隍增陴人莫測其

意去郡後二載濠叛王守仁吉安起義竟得其力晚節盤桓雁山多所題咏有蕩南集學庸圖說宋

史辨

陳璋

字宗獻樂清人弘治乙丑進士任刑部郎中精於法律有比部招擬二卷持法者多引用

之服闕諫武宗南巡罰跪廷杖奪俸後以資望遷副使嘉靖初擢大理卿多所平反引病退起為刑

部侍郎言官馮恩下獄力為救解得不死留都太廟災勅往勘或曰上諱災盍詰守廟者璋曰奈殺

不辜何卒以實對無何謝歸卒賜祭葬

張孚敬

字茂恭永嘉人初名璉年二十四而舉於鄉數上禮部不利又二十二年而成進士

世宗皇帝即位以興世子入繼大統下廷臣議所以尊崇興獻王及后者久之不決孚敬乃上言皇

上以武宗弟入繼武宗統非繼武宗嗣也書上大

臣不喜出為南京刑部主事時議尊孝宗為皇考

典獻帝為本生父孚敬復上疏力爭言獻帝得稱

考不得稱本生孝宗當稱伯考不得稱考因上所

著或問二篇天子大悅超拜孚敬翰林院學士明

年以侍郎攝都御史平反妖人李福達獄遂晉都

御史以禮部尚書兼文淵閣大學士輔政權震一

時中貴人自武宗以來暴橫久孚敬數為帝言中

貴姦惡狀帝乃悉裁革鎮守監鎗市舶之類後先

貴谿也年六十五卒贈太師諡文忠

侯廷訓

字孟學樂清人天性剛直登正德辛巳進士世宗入繼卽上書言上不當考本生及

私藩邸舊臣語甚鯁直除南禮部主事著大禮辨數千言詔逮繫下獄子一元年十三上疏救之謫泗州判官已又爲縣丞久之遷漳南兵備僉事建社倉平劇盜蠲虛糧革羨餘尋以疑獄與御史爭之勁被彈射罷歸居官多大節所著有六禮纂要筆山小稿

趙廷松

字子後樂清人嘉靖癸未進士大禮議起世宗譴責言者威不測廷松爲刑曹郎偕

同例伏闕力爭被杖謫福寧州同已又補蘄州所政使將畀節鉞廷松終以議禮未嘗居常鬱擘以母老移疾歸養及終母制廷松亦嬰疾以卒所著詩歌古文秀出一時尤工行草傳播海內有敝帚集

侯一元

字舜舉樂清人廷訓子年十三伏闕上書

出父議禮詔獄旣而希旨者中以他事再下獄乃再上書陳冤狀都御史唐龍奇之伸其父登嘉靖戊戌進士授刑部主事改吏部積遷廣東叅議河南副使備兵大名江西布政使所至惠政彪炳耳目文章稱一代名家

王諍

字子孝永嘉人登嘉靖庚戌進士授溧縣令

豪宦侵并上供據法裁之有枉獄與當事立辨其誣論最擢山東道御史巡鹽河東尋巡按雲南沐黔國肆毒一方按法繩其家屬沐懼餽黃金三百兩拒不受直疏其事奉旨移鎮南都沐欲醜之計沮不行陞大理少卿與毛司寇及諸刑曹會議大獄據律駁其誤疏奏上是諍議且著爲令晉僉都御史巡撫貴州滇中合都御史呂光洵祀之

著有天南奏疏大學衍義略

王叔果

字育德澈長子嘉靖庚戌進士嚴嵩當國絕不私謁出爲湖廣叅議擢廣東按察副

使引疾歸時年尚未五秩屏居鄉廬精研六經理性之學嘗輯象山語略明朱陸無異同又推陽明良知合于朱陸之尊性善求放心同時講學如胡直申燧耿定向輩皆推之性孝友恭恪不妄語於聲利嗜好澹如其他推羸賑乏築堡修學雖千金不吝撫按屢疏薦起之謝不復出所著有半山藏稿永嘉誌

王叔杲

字陽德澈次子早舉於鄉以侍父養輟上春官者再嘉靖戊午倭擾海上緣族居築

堡捐資數千金壬戌成進士授靖江令調常熟所至尸祝入為兵部郎冢宰楊襄毅引為重欲注入選部謝弗應出守大名諸屬邑文學鮮振為建書院延師儒課之人才輩出擢蘇松兵備憲副經畫水利海防網繆綜悉晉參政仍畱治兵以失當路權聽調歸越歲改福建叅政竟不往倘伴泉石距郭十里許築賜湖別墅窮山水之勝嘯咏其中急鄉井之義立捐千百無吝色改建府庠及孤嶼仙

巖諸名勝皆出已費壽八十四著有玉介園稿

王沛

字子大澈季弟少業儒棄去精醫術授益府良醫嘉靖壬子倭亂沛謀諸鄉族集兵為守

寇被創逸去戊午復至勢張甚沛率鄉兵禦於梅頭遇害事聞詔贈太僕寺丞立祠賜額愍忠錄其

子叔本為

國學生

王德

字汝修澈從子登嘉靖戊戌進士授東昌府推官復補大名府署滑縣篆盜掠貢金誣逮

滑民十數繫于獄德辨其冤釋之邑為立祠擢戶科給事中上疏請慎簡輔臣為當路所忌巡視光祿三月節無名費數萬金會邊警應詔陳言得俞旨尋有遣才望臣分道募兵眾以德為應忌者竟出為廣東嶺南僉事率兵進勦村堡與撫臣議不洽遂謝病歸丙辰倭擾海上德倡鄉族嚴兵待之賊不至戊午夏賊迫郡城乃率鄉兵往援至金嶼伏發死焉撫臣以聞詔贈太僕寺少卿建褒忠祠

春秋享祀廕一子
錦衣百戶世襲

江德歸 字君壽泰順人正統山寇剽掠首創義兵
率鄉民禦之遇害子佛保年十八矢志復

讐尚書孫原貞領大軍至收置幕
府命統所部殲之寇平授贊畫

張德明 字子經樂清人萬曆丙戌進士巳丑會試
分房得董其昌補寧國知府庠士施子舜

聘謝氏女未娶湯賓尹欲奪與弟任尹庭鞠子舜
恂恂貧書生湯悍僕偪圍太守案幾什德明日得

之矣判女歸施湯列衆百數週謝屋詞伺女自度
終不敵密綴内外衣縫令不散中夜赴水死士群

閔德明親臨其喪卽其地建節祠抵任尹於法遷
廣東叅政巡按御史沈正龍係賓尹門人修前愆

德明卽具疏自解綬歸居鄉謙抑必自斥其名而
遇事果毅肩承不少退祀歿後寧國粵東兩祀名

官焉

吳寶秀

字汝珍平陽人萬曆巳丑進士遷南康知
府甫六十日決滯獄極奸民一郡肅然巨

瑞李道權稅湖口窮捕商艘波及郡民寶秀持不
可遂誣奏逮詔獄妻陳氏請同行不得雉經以殉

闔郡哭臨呼號追送境上郡民陳英熊煇輩訣妻
子叩闈願以身代勳輔臺省交章請救宮闈亦憫

其節會星變乃得宥歸上亦悟撤李道回遂詔以
有司代宦者任光宗登極復職僖宗立御史李光

春等揭請贈卹詔
贈太僕寺少卿

李光春

字元甫樂清人徙居永嘉萬曆丙辰進士
任廣信府推官沐黔國遣官展祭遠祖因

奪國產併晦翁懷玉書院光春牒上撫按悉返所
侵產譽震於朝舉卓異第一天啓癸亥擢御史彈

擊不畏權貴逆瑞魏忠賢擅政楊漣首發其罪會
大雨雹光春抗疏極論忠賢罪惡忤旨奪俸尋左

遷九江備兵崇禎朝游歷福建江西湖南藩臬所
至著實績巳卯晉協理院事左僉都御史署都察

院篆臺臣王聚奎諷陳啓新緘默溺職啓新方用
事既入聚奎議處力為申救上不憚遂罷歸里生
平訥訥如不出口而
遇事敢言時論優之

陳堯言

字汝則永嘉人萬曆乙未進士辛酉丁卯
兩次分較北闈所得皆名士壬戌授行人

持節使趙楚二藩餽遺悉無所受崇禎初擢南戶
科給事中值南儲告匱京軍十數萬衆諫正陽門
堯言以陵寢重地飛章奏請得給各衛旗船漕米
二十餘萬石六軍懽呼南畿以定尋為忌者所出
補陝西叅議至中途嬰疾度
不能前乃繳勅歸久之卒

王瑞梅

字廷猷永嘉人天啓乙丑進士兩任河間
蘇州推官皆以剛直著聲晉樞曹郎時方

多事悉心籌畫中樞益重以邊才推之簡授鄖襄
兵備張獻忠受創於左良玉奔穀城乞撫當事皆
為所愚瑞梅獨條賊宜勦與可勦狀上理治各院
及勢不可阻乃條解散歸農隨征三款乘城治兵

防禦益力賊畏忌不敢動會丁內艱歸楚事遂裂
悉如所料明末避亂山中已而沐浴辭朝賦絕命
詞投繯而卒子家琦家琛俱餼邑庠負才名家琦
終喪後哀毀而卒家琛服闋不復預有司試混跡
市塵中
終其身

林增志

字任先瑞安人崇禎戊辰會魁授蒲圻令
多仁政按院宋賢異之每月講學明倫堂

士習丕變庚午癸酉兩較楚闈得人最盛考績異
等特擢翰林院編修尋兼東宮講讀經筵講官進
易師卦講章倦切上交忤當路意已卯降待詔復
原職癸未會試同考轉春坊兼侍講學士國變後
披緇入山號法
幢老人以壽終

李維樾

字蔭昌一字天棟瑞安人萬曆乙卯舉人
崇禎甲戌授江浦令因莊定山祠祀象山

陽明白沙三君子講學其中人文蔚起獻賊開鳳
陽預增垣濬池練鄉勇及薄城下殲其渠魁九條

瓏遁去辛巳行取名對稱旨擢戶科給事中督漕
江北請蠲晚災八萬有奇轉禮科右疏薦毛士龍
方震孺倪元璐范景文請卓忠貞于肅愍贈恤持
節冊封路藩中途聞變扶服歸傾資名募討賊忤
馬士英還籍自號
素園老人卒于家

林田 字舜耕泰順庠士嘉靖己未秋倭入寇至雅
洋聲勢倡甚將抵縣田率鄉兵禦于排嶺賊

掩至遂整兵力戰而死

林宗椿 字君靈泰順庠士崇禎十二年山寇竊發
劫縣之仙居屯三日不去椿率鄉兵直前

連斬數級賊氣奪將遁椿欲盡殲之引賊至澗逼
橋而陣橋木朽椿失足橋下賊蜂刺之椿怒罵不

絕口遂歿賊亦引去邑立祠致祭

趙嗣薦 字似川樂清人萬曆丁酉舉人署壽州教
捐俸葺學周恤貧士有政聲陞廣西太平

推官時土司猖獗有司畏不敢治薦廉其渠魁
之餘黨悉平崇禎元年徵天下清廉第一溫體仁
柄國重其名欲延見之薦終不往謁除漳州同知
有尹大使以金密進薦叱之雖歷數任囊篋蕭然
卒于官
祀鄉賢

處州府

唐施約 諡 縉雲人唐季寇亂與弟約言聚兵黃龍山
保障鄉邑有功約銓封東陽郡公約言封

縉雲郡公朝廷改其所居泰康里為靖勝里

五章德安 麗水人為吳越內都監使文穆王文瓏寢
疾察其忠厚能斷大事欲屬以後事語之

曰弘佐尚少當立宗人長者德安曰弘佐雖少郡
下服其英敏願王勿以為念王曰汝善輔之吾無

憂矣

宋周啟明

字昭回龍泉人景德中舉賢良方正直言極諫科後歸受徒甚衆陳堯佐表其行藝

于朝賜粟帛仁宗卽位召除助教尋遷秘書省較書轉太常丞著有詩賦千餘篇

何琬

字子温龍泉人皇祐進士七歷監司神宗疏其名字于屏曰政事何琬文章葉濤除龍圖學

士與東坡有詩倡和

陶禧珍

縉雲人資性通睿詞翰宏博熙寧中應求賢詔仕至徵仕郎史館編修

祝粹

字子充麗水人元祐進士分水令有政聲百姓生子皆以其姓爲名後坐黨禁止宣教郎

管師仁

字元善龍泉人由進士崇寧中知建昌軍有善政後爲定州安撫使時邊境自景德

盟好迨百餘年上下玩愒師仁至則預爲邊計後北使再至請地聞有構遂寢徽宗賜詔褒獎曰有

臣如此朕復何憂召爲吏部尚書尋拜知樞密院事封南陽郡侯卒賜葬于汴

張著

字少微龍泉人崇寧進士初授知永康縣毀淫祠除山洞蠻盜民安以安提轄京東漕權

貴爲奸俾民人錢給符而漁著劾奏弛禁民得其利畱貳天府未幾國步艱難車駕駐驛揚州因罷

歸紹興中再守臨江平易近民戶口增七萬餘治廬陵豪民歐陽廷光獄得實續御史案舉江南不

法官吏十餘人悉送著治獄無淹滯兵荒民鮮習儒著建學興士時士夫趨權貴而著獨自守靖康

之難不汗僞命上將用著而鯁直忤時相出知筠州

劉倚友

字夢澤青田人登政和進士宰開封咸平間甚有聲靖康金人犯闕受檄爲東壁彈

劾官登城按視爲金人所獲脅使降倚友叱罵不絕口死之

閻丘觀

字民表遂昌人侗儻有大志宣和癸丑睦州賊首洪載勢頗張朝廷下詔安之觀慨

然請行以義諭賊悉就撫還朝授承信郎靖康初本路帥命部衢婺處三州兵赴難霸州及還適遇

高宗渡江統兵勤王特旨轉三官仕至武翼大夫

吳安國

字鎮卿麗水人以太常卿使金金欲脅服之安國毅然不屈曰我首可斷我節不可

奪也金人莫敢犯靖

康初遣還後知袁州

龔楫

遂昌人仕至兵部侍郎金人陷郡縣楫恚忿不食兀木據和州楫率家僮襲之會金救兵

至楫麾其眾曰今日鬪死亦足為義士不克而死

詹義

字持國縉雲人以直亮文學著北使至每問曰詹義尚在否累官至兵部尚書給事中歷

仕四朝靜正忠鯁為時所忌力丐休退進端明殿學士主管洞霄宮時在藻承制謂又勁直多聞確

有所守蓋實語也後高宗對執政語曰詹義文章泰山北斗欲大用之累召不起卒謚惠安

潛說友

字君高縉雲人由進士歷官知南康軍浙東安撫使兩浙運使知臨安府才器宏太

善剽繁劇時臨安為京都凡宮壺財用廟堂意嚮民訟之曲直物價之低昂皆囿于審度之內先任是官者多以曠職去說友處之裕如以戶部侍郎轉尚書官至端明殿學士縉雲郡伯出知平江府

季陵

字延仲龍泉人少孤力學擢政和二年上舍第遷太學博士論學術邪正異同被譖謫知

舒城縣建炎間金兵奔突朝廷儀物盡棄陵取九廟神主渡江南浹日拜中書舍人因諫天久雨寒

由金人累歲塗毒生靈所致又云將帥宦寺權制中外陛下當修德應天裁抑羣下上納之

梁汝嘉

字仲謀麗水人建炎初知武進縣高宗南渡至常州守卒俱遁獨汝嘉浚築防守就

除通判會駐蹕臨安命知臨安府上而宮闕次而三省六部百司庶府以至周廬千列一時辦集遂

成都邑御札褒美遷戶部侍郎扈蹕建康進權戶部尚書言金人難與和親及東京畱守孟庾不可

在後皆如其言終寶文閣學士贈少師爵縉雲郡公家居隣郡學捐地基以割齋廬至今繪像于學

浙工通志

卷之三十一

人物

七

春秋祀之在戶部時有欲拘刷郡縣養士餘糧以助軍需汝嘉奏言學校者風化之源不可一日廢也然必有以為養士之資乞申飭有司凡瞻學錢糧不得輒更拘刷上可其奏子叔玠知郴州季玘歷知信州光州湖北江西提舉官至吏部侍郎江西俗多不舉子玘為創慈幼院置田收養所至惜公帑不妄費嘗曰吾以清白遺子孫丞相謝深甫稱之曰真廉吏也

詹廣

字安止縉雲人歷官兩浙提舉通判定武安肅真定三軍州江陰南劍所至咸稱其能運

使呂頤浩丞相朱震安撫陳亨伯並舉其廉能

閻丘昕

字逢辰麗水人為婺州義烏令有政績薦除監察御史累遷吏部侍郎給事中以敷

文閣待制知溫州時有薛姓者秦檜親黨也居郡中承檜密指俾造漆器昕持正不從薛怒諷秦相黜之昕嘗憤權臣擅政作周易二五君臣論以斥用事者平生不殖產至無宅可居事聞朝廷給宅

賜之太守馬光祖即其地建祠扁曰清風鄉人趙崇潔官太常奏謚清簡

程樟

字喬仲松陽人資稟粹和局度恬曠文史之外無他嗜好事繼母以孝聞待諸弟尤篤恩

義授連州司理妖民龔陸以左道其獄推究其註誤者數百人改知侯官聿新學宮日與博士弟子講禮習射守廉州政尚簡淨置平糴倉以濟民饑擢廣南西路憲使凡所舉利不市恩避怨而獎誘後進尤拳拳焉

鄭汝諧

字舜舉青田人紹興進士穎悟貫洽經史辛稼軒見之曰老子島中兵百萬丞相洪

景伯薦于朝孝宗書御屏曰鄭汝諧威而能惠時浙東早舉行荒政轉大理寺少卿持公論釋陳亮囚進吏部侍郎致仕著論語意原真德秀為之序子如岡少侍父使燕過故都忠憤發為詩歌名專對集官至吏部侍郎封開國男

張商卿字宗尹龍泉人紹興進士知滁州極論屯田之害謂開耕之初率民田充數名曰借獻其實差科後為淮南轉運判官

陳嘉猷字獻可龍泉人秀悟出人甫數歲日誦千部尚書公忠耿介有奇氣登紹興神童科累官至禮部尚書大畧朝紳重之

沈造字次仲縉雲人歷官至通判廉直不阿初知判潮時有韓山神歲須男女以祭造焚其廟毀像得巨蛇烹之民為立祠有文集二十卷胡權謂其書似歐陽詢而清勁過之

張溥字德施龍泉人紹興進士淳熙中擢守邵武岳州陞對論常平虧欠之弊欲令州縣申其實數寬其已往之罪講明方來之法復論欲令忠順官

任滿迭相注授稍令待缺以寬廩給上首肯之以年老力上祠請除福建叅議未赴任卒

何侑字德獻龍泉人太師異國公平之曾孫志學通經史調福州古田簿時方弱寇遇事通解

攝縣事取滯獄決遣之輕重得情吏民大驚改官於潛縣縣豪徐衡武斷鄉曲陵長吏禁不能誰何侑拒不通衡見衡由是退聽屏氣無敢復言治甚有名差知黃州黃多盜乃聯鄉社保伍盡破其根株窟穴除荆湖南路提舉常平茶鹽事秩滿就除轉運判官吏民益信會盜發廣西都督左僕射張浚舊知胡湘雅知治狀奏白何侑前治黃聯保伍盜平息今謀帥莫如何侑遂除直秘閣經畧安撫廣南西路兼提舉兵馬事暨至盜已平侑撫摩瘡痍之民奉宣寬大之詔別蠹除鑄府賦用充繕甲厲兵軍容充壯

林覺字大任麗水人紹興間為戶部侍郎奏減民間夏稅丁鹽紬絹仍乞第五等戶折納見錢

詔除敷文閣侍制

季南壽

字元衡龍泉人時七歲有籠鶴而飛者父命對冲天鶴勢高之句即應聲曰出洞龍

頭聳父大奇之登紹興進士中博學宏詞科歷有政聲尋擢禮部侍郎出守新安上命宰相擇東南士守蜀以南壽知簡州發奸摘伏如神徙守眉陽民夜苦暴水南壽出令拯一人者與已俸五緡活人甚眾後進直顯謨閣致仕

何備

字德輔龍泉人登紹興進士調德清縣簿時和好初成備作中興龜鑑上之除紹興府教授尋除福建提舶約束奸吏甚嚴累官工部侍郎著有奏議內外制西漢補遺孝經本說王府太學

講義

王信

字誠之麗水人紹興間進士為溫州教授會郡饑疫以賑救為已任為勅令所刪定官書

成應進秩纔少十二日或謂盍少遲信曰遲之為利是欺君也已而孝宗語時相以信當序遷相以未嘗見其求遷對上曰不求遷乃見其賢為考功郎官銓政肅清有軍官賂吏作奸信察之吏無所容共禱于神願無為考功官上聞之喜曰一郎官乃能為朕任怨除中書舍人遷給事中論事忠謹明暢上屢呼其官而不名知紹興府奏免積逋錢米帛絹以百萬計開山陰淳瀘注之海民德之歌口湖水溢大田失湖可畊民以生名之曰王公湖置義田活民之不舉子者創義廩資民之無以葬者嘗使北肄射破的再發仍中金人驚異制誥得古體字逼米元章著有是齋文集

朱藻

鮮有登第者藻為考官所取皆名士向學者

始眾知浦城縣積逋以緡計十餘萬郡吏迫以輸期藻曰與其橫斂于民寧得罪于郡即日罷歸先是邑有黠寇前令莫敢誰何藻至悉寘于法邑民快之終煥章閣侍制

田聞龍

字宣甫縉雲人調武義簿時積逋數萬郡志督徵聞龍謂蚕未登時尤難處不忍病

民以阿順呂東萊門人書繭絲歌頌之藩閩聞其賢俾知婺州晚以四會知縣致仕

田渭

字伯清縉雲人辰州教授五溪俗與中州殊絕渭翔學宮刻典籍立程度推誠訓育俗為

一變遷司封郎在朝入年廉靜自持故舊多要路耻私附凡奏對十餘疏如固國本正風俗變役法

甚切世務除浙東提舉常平歲歉究心荒政除台婺處三州戶科茶稅又奏罷五等差夫送迎之擾

民賴以安著朋雲刀筆爾齋集

葉翥

字叔羽青田人紹興進士累遷戶部長貳時會稽和買視他郡為重民甚苦之翥奏蠲三

萬餘疋民得稍寬慶元間除同知樞密院事賜爵祈國公

詹宗契

字彥敷縉雲人以世賞入仕終知南康建昌二州所至有聲撫湖外之民講救荒之

術丞相葉淮舉其廉能孝宗詔褒獎之

蔣則

字朝式縉雲人舉進士授南陵尉適歲大祲則諭巨室出米數十萬石減直賑糶惠及當

塗池陽之境修復廢陂溉田數萬頃則詩體平淡深得盛唐志趣佳句多落人口姜特立甚稱重之

蔣繼周

字世修青田人七歲賦牧童詩有回首一聲笛斜陽遮半山之句甫冠登紹興進士

歷官二十餘年奏對剴切孝宗稱之曰卿文大似陸贄歷御史中丞知無不言上親禮褒異有盡公

無私之語終禮部尚書贈少師謚文恭

季籲

字和叟龍泉人隆興進士歷開州知州始至先節浮靡郡計稍足繼蠲宿逋去積蠹奏除

省額四千餘緡減州額六百餘緡上聞擢東晉知州晉連年病饑籲講求荒政至廢寢食民甚懷之

葉宏

字夢符麗水人軋道進士為人倜儻蒞官明敏任武學諭註七書被褒賞累遷太府少卿

總領江東軍馬錢糧

潘叔豹

字仲虎麗水人淳熙進士知萬州與魏鶴山為道義交時有僧窖地匿民婦叔豹發

摘奸伏毀其寺子杞登嘉定元年第至太府寺丞

陳塏

字元爽龍泉人登淳熙進士第歷官知太平州兼江東轉運使奏蠲諸郡災傷發公帑代三縣輸折絲帛五十餘萬復知隆興府江西安撫使平贛州叛卒有功趙必愿上其事有詔褒其清節終資政殿大學士

郭泰亨

字亨甫麗水人淳熙進士初仕會呂祖儉因贖其行坐黨禁降官黨禁解註清流縣令修學宮增學廩多七祠而碑之擢臨安府城南都廂時史彌遠當國有上書忤其意者繫獄委官鞫問泰亨辨其無罪不肯枉置於法彌遠怒遂致仕歸

張貴謨

字子智遂昌人由進士宰江山縣會亢旱

添一夜鬢邊霜遂蠲其賦之十八郡守怒詰之力陳其害不能奪光宗即位謨進書極言時弊光宗嘉納之是歲西浙旱災毗陵尤甚遂出知州事講行荒政饑民賴以全活者五十萬眾轉朝奉大夫賜對便殿論人君之心與陰陽之氣相感實歲之豐歉所係言甚剴切奉使金國回因論禮莫重于分分莫重于親願朝廷為內修外攘之備轉朝散大夫是歲行郊禮極言郊赦為小人之幸不可為常上可其奏轉朝議大夫特封遂昌

季鏞

字伯韶龍泉人父衍嘉泰進士淮西安撫使鏞以父澤補將仕郎歷任皆有政聲除浙東

道提舉知紹興府為福王所敬景定癸亥任兩浙轉運使上疏言布衣何基早從朱文公高弟黃幹游潛心濂洛之學真知允蹈暗漏不欺得名補基由是士譽翕歸于鏞除戶部侍郎弟鏞淮西轉運

判官

吳懿德

字夏卿慶元人嘉泰二年進士英州教授知玉山縣改知新會縣時邑民征于訟瀕

海多盜縣不能制懿德至則悉心經理事無鉅細必躬親之每新令至有給由錢受訴牒者有醋息

錢懿德一切罷去仕族之流寓與悍獨顛連者春貸以錢粟夏多瘴厲和藥以施之以廉介有聲進

廣州通判未及拜而卒卒之前書曰平生薄宦母受凍餓一介不取一毫不欺嘗祀晉刺史吳隱之

于縣東邑人以其介遂配祀焉

趙崇潔

字敏則縉雲人累官右司郎官每以人才為宰相薦理宗朝中貴盧必升等專權無

一人敢言崇潔乞罷斥以肅宮府由是名振朝野居官不受私謁所至以激揚著聲

何琮

字宗玉松陽人初授吉州安福簿始至大書門屏曰以儉養廉將勤補拙入朝除左正言

轉殿中侍御史先此臺諫盡為宰相私人有彈劾先進副封琮獨守古法斥貪逐佞多合清議與相

意忤改為起居舍人一日諷琮駁陳垣除命荅曰琮他日向欲附善類相怒即日左遷為福建轉運

副使相去名入為戶部侍郎理宗嘗夢神人云天下欲太平何琮作宰相異日以語學士趙汝騰當

國者忌之不果大用友人以詩悼之曰空形良弼夢只戴侍臣冠

張恂

字公亮龍泉人嘉定進士初授麻城簿以討平湘賊尋陞襄陽郡判治二載湘賊復興藩

使復遣鎮守番陽幾一載大旱且直奸臣誤國貶恂南安湘賊自相議曰府判因我等叛而落茲職

可焚其巢而去上嘉其能遷知梧州謁襄節度使具言軍餉足用之法上善其處置召賜帶笏尋擢

戶部侍郎兼江東安撫使賜爵龍泉縣開國男

程榆

字森之松陽人九歲能屬文既登第孤介特立耻事媵阿家居雅好作人嘗建義學置田

以瞻師儒宰玉山時真西山疏其天資靖重心術
端良及持廣左憲節史彌遠惡其不附已安命不
屈官至中奉大夫諡曰安節

潘自中

字時久松陽人為江州司理日有吳門鹽
商牽聯就緹吏承上意欲加之罪沒入其
貲自中曰入人之罪以媚人吾不忍為也力悉免
之州部將二人以軍賦抵牾繫於獄統戎者以宿
憾欲死之符取自鞠使之誣服自中走
白于府深明其誣二人賴其力以免

毛蘭

字君玉松陽人官福州司理時宰相趙汝禨
之黨曰林冕者有罪下獄使人夜懷金私之
蘭正色不受復賄當道者以威怵之不動其人卒
坐以法汝禨聞而嘉曰蘭持法如此何有于廷尉
乎後召蘭不果行卒正承
直郎時咸以劉向比之

王唐珪

字廷玉松陽人歲饑邑尹勸貸珪方州角
請書于籍願以下石濟之眾異其志淳祐

元年登進士親老歸養十年不仕丙辰授紹興府
法曹乙巳差尚書省簡閱官分守平江未幾攝監
察御史廉察事適當輪對珪上封事言平天下之
道正心誠意為本守令不職實由宰輔奸邪罔上
不以副封達時賈似道
怒諷御史陳堅彈罷之

潘大臨

字舜舉松陽人以兩浙運司主管文字官
攝溫州獲海寇五十聞其實釋無辜者半
復以太府寺丞出權真州茶鹽時相丁大全使人
諷之曰有羨獻即受賞大臨曰吾一錢皆籍縣官
羨餘何取大全怒馳代者
夜半奪印去後知廣德軍

梅寬夫

字伯大縉雲人調慈谿尉德祐初攝知縣
事率義勇應文天祥至常州同尹王戰死
之嘗師滕璘得考亭之學
所著裕堂講義刻于鄉較

吳思齊

字子善麗水人初任嘉興縣丞尋遷饒州
節制司時賈似道貴戚謝堂力能生殺人

思齊以卑官中其諱惡人為危之而思齊勿顧也
俄不願仕流寓桐廬值宋改物家無擔石有勸之
仕者輒謝曰譬猶處子已嫁不能更二夫也每與
婺州方鳳福州謝翺游諸名山酒酣氣鬱輒望天
末慟哭而返
卒年六十四

劉若濟

字君用青田人咸淳進士義不仕元自謂
出于六民之外別號為七民較正石門洞

集同邑葉紹字繼甫以賢良方正聘于朝掌永嘉
教事士風丕變德祐間聘修國史日曆後宋亡子
然高遜俱有
古烈士風云

元王鉉翁

字中實遂昌人在平江路吳縣主簿轉兩
淮都轉運黃巖州判官猾吏久為民患悉

按以法豪強以私忿殺平民吏云不宐問
鉉翁務捕繫抵罪不少貸遷忠顯較尉

明劉基

字伯溫青田人元末進士聰穎絕人初學於
鄭復初得濂洛心法於天文地理兵書數學

尤極研究仕元以剛方見黜揭曼碩趙天澤一見
奇之嘗泛舟西湖有異雲映湖水中基曰此天子
氣也應在金陵十年後有王者起我當輔之後歸
隱南田山中會明高帝下金華以禮聘基基謁帝
帝與語喜曰吾子房也因陳時務十八策適陳友
諒入寇或謀以城降或以鍾山有王氣宜奔據之
基曰皆可斬也天道後舉者勝取威定霸在此一
舉卒從基策後從伐漢進攻皖城以都指揮使馮
勝守之基承命授勝方畧曰夜半兵至某地有黑
雲起此賊伏也移午雲散與青雲接此賊歸也歸
而躡之蔑不勝矣勝曰諾至則果如所見益神之
殲賊而反漢將胡均美約降請禁止若干事帝有
難色基踢帝所坐胡床帝悟許之均美以城降未
幾基以母喪歸服闋赴京道經建德張士誠入寇
李文忠募民擊之基曰勿擊三日賊當自遁已而
果然抵京時友諒據湖廣士誠據蕪湖議者欲先
士誠基曰不然士誠自守賊耳陳友諒據上流且
僭名號宜急擊之友諒擒則士誠坐破矣帝遂決

計伐友諒大戰于鄱陽湖基忽躍起大呼曰難星
 過可更舟帝急更舟未半餉前舟已砲碎矣基密
 言于帝期以金木相尅日決勝帝從之遂平陳氏
 一日侍帝見日中有黑子奏曰江南當失一大將
 參軍胡深果以敗沒聞洪武建元拜基中丞御史
 章溢奏定處州稅糧帝特旨青田五合起科曰使
 劉伯溫鄉里子孫世世為美談既而帝幸鳳陽命
 基畱守首劾都事李彬侮法誅之李善長素厚彬
 大與基忤基乞歸田里陛辭曰鳳陽雖帝鄉不宐
 建都王保保雖可取亦未易輕也後定西失利王
 保保竟走沙漠帝念基手詔名基還京基入朝進
 基公爵固辭不受封誠意伯帝欲相楊憲基素厚
 憲曰憲有相才無相器曰汪廣洋何如基曰褊淺
 難語休休有容胡惟庸何如曰小獷將債轅矣帝
 曰無逾先生基曰臣疾惡太甚且厭繁劇用之尤
 負聖明願悉心以求之如目前諸人未見其可也
 惟庸聞而啣之後楊憲汪廣洋俱敗貶惟庸入相
 基嘆曰殘民奚堪此重困耶遂憂憤成疾帝遣使

送基還鄉疾革以天文諸書授子璉使獻于朝曰
 母令後人習也基剛毅慷慨每論天下安危則義
 形於色至羣臣或有過失獲譴者多密為解救帝
 亦雅重基呼為老先生而不名所作文章為一代
 首稱長子璉有父風帝欲大用璉擢監察御史尋
 擢江西叅政卒于官帝哀悼甚親為文祭之遣使

護喪歸鄉

葉琛

字景淵麗水人博學多才與劉基章溢齊名

元季兵亂從處州守帥石抹宜孫討寇有功
 授行軍元帥明祖遣使以幣聘之與基溢及宋濂
 同至金陵上顧左司郎中陶安問曰四人者何如
 安對曰臣謀畧不及劉基學問不及宋濂治民之
 才不及章溢葉琛擢琛為營田僉事壬寅正月上
 帥師至龍興守臣祝宗康泰以城降改龍興為洪
 都府尋改南昌以琛知府事既而宗泰據洪都琛
 迎戰死之事聞上嘉其忠義追
 封南陽郡侯命有司立廟祭之

章濫

字三益龍泉人受禿堅不花請屢平蘄黃等盜有功予官不受結廬匡山歲庚子明太祖

召見金華曰我為天下屈四先生無何擢僉營田司事以母病賜歸省畱其子存厚於京處州總制胡深出師溫州詔濫守處州饋餉無缺上嘗謂羣臣曰濫父子宣力一方寇盜盡平功誠不小又問征闈諸將何如濫對曰湯和由海道進胡廷瑞自江西入此固必勝然閩尤服李文忠威信若令從浦城取建寧此萬全計也后果如濫策處州糧舊額一萬三千石有奇後兵興加徵十倍民不堪命濫言之詔從其舊洪武元年拜御史中丞尋兼太子贊善大夫濫受詔北征至處州母已歿濫馳歸乞守制詔不允遣其子存厚還家濫灑泣而出治戎事日謹鄉兵既集命存道部領繇永嘉浮海北行濫再請終喪上惻然曰吾固知其情不可奪遂可其奏諭存道曰汝父宣勞為多汝尚勉力事功以無忝爾父因授處州衛指揮副使濫自喪母悲戚過度疾益深卒年五十六上甚憫悼親撰文遣

官祭之

胡深

字仲淵龍泉人學識過人元季石抹宜孫總戎處州以深為叅謀縉松遂麗等處氓亂為

盜深悉討平之歲己亥明太祖命胡大海取處州石抹宜孫戰敗大軍分取屬邑深知天命有在乃解甲見四縣因不受兵上召深至南京擢中書左司員外郎續命深總制處州諸暨守將謝再興叛兵犯東陽李文忠擊走之胡深引兵為援議為城守其後浙西將李伯貞大舉入寇城堅不可拔敗去上念深立城功以名馬賜之青田葉仲賢既服又叛溫州方明善攻平陽深悉出偏師討之而親統大軍攻溫州明善勢蹙與其仲父谷珍議納歲幣繼以鹽若干來貢深尋入覲上時已即王位乃擢王府叅軍仍總制處州陞辭上曰俟闕浙盡平當還汝中書乙巳福建陳友定擾邊深奉命征之建守將阮德柔兵屯錦江深進擊之破其寨柵友定懼率銳卒亟圍我營深突陣與決馬蹶被執友

定頗加禮遇深具道天子仁聖援竇融故事感之友定初無殺深意會元使至督迫之遂被害年五十二時太史劉基見日中有黑子奏曰東南當失一大將深果敗歿上痛悼不已親撰文遣官祭之追封縉雲郡伯上嘗問宋濂曰深何如人對曰文武才也深有二子長曰楨次樞楨授宣武將軍處州衛指揮僉事

劉璟

字仲璟青田人基之仲子生時月食復光基嘆曰天墜乃緒而卒能幹之者也弱冠阻嚙

經傳喜談兵二十八師事石樓子適甌寇葉丁香反勅延安侯唐勝宗討之唐決策于璟破之復命白璟才畧高皇帝喜曰璟真伯溫子也徵入朝命襲父爵璟曰臣有姪在帝曰璟終儒家子帝欲其曰夕左右拜閣門使書除奸摘佞四字於鐵簡授之適袁都御史奏車牛事不法璟當殿以簡擊其項帝曰正當如是自是舉朝畏璟樂璟外補薦授谷王長史并勅提督肅遼燕趙慶寧六王府事一

曰至燕與王奕璟勝王曰先生獨不少讓我耶璟曰臣可讓處則讓臣不可讓處則不敢讓王默然建文改元燕邸兵起遂馳闕獻十八策後文皇帝即位璟辭疾不起帝必欲繫璟赴京強以官辭且曰殿下百世後終逃不得一箇字下獄卽夕辯髮自經死詔其家歸葬之嘉靖間督學萬潮立像配享文成廟

楊仲吉

麗水人洪武中辟至京師上問君家何爲對曰春耕夏耘秋收冬則教子讀書通義

理特授崖州知州及歸惟衣被而已

厲子溫

青田人以明經擢監察御史糾劾不避權要洪武癸丑命踏湖州水荒以實復命上

曰先曰無爾獨曰有何也對曰天知地知臣知君獨不知帝忿其言不遜誅之後果如其言因御書于午門曰豪傑御史厲子溫

葉希賢

松陽人號雪菴由賢良監察南臺冰蘖自厲建文壬午燕藩兵起家人驚潰相失謂

其已死乃以衣冠發喪而葬希賢則已從建文帝抵蜀隱姓名為僧至善慶里杜景賢者賢之與地

名松栢灘建寺居焉朝夕誦經其徒聽之則易之

一葉訖即投之水而哭有補鍋匠者往來慶里間

或與對酌歌詩歌罷亦輒哭眾莫測其意雪菴終

時年逾百與其徒訣曰我浙江松陽懷德里人也

及啟遺篋止易本義及名將傳一帙耳隆慶萬曆

兩朝皆有恩旨卹錄以著其孤忠大節云

陳詔字廷詢青田人少時英敏絕物日誦萬言中

宣德庚戌進士第一除監察御史遷四川按察副使時閩浙盜發溫處屠掠尤慘上素重詔威

望且諳民情土俗拜都察院僉都御史巡撫浙江

勦平山寇紹至諭以利害不煩兵旅遂平寇民大

悅復命陛見賜賚甚厚將論功崇爵疾作卒先是

郡省運金帛鉅萬犒軍委詔不問出入詔例給羨

餘即封還府藏毫忽不苟麾下嘆曰公家物也乃

棄不取何為其廉靜類此

李棠

字宗楷縉雲人宣德庚戌進士授刑部主事

其生而不得然後論如法後卹刑南畿矢曰茲行

苟取人一介當不生還所至覈奸直枉全活者甚

衆復命陞本部右侍郎巡撫廣西粵地羣酋叛服

靡常棠討捕招徠威懷並施以病乞歸卒年六十

一賜祭葬初謚清敏改謚恭愨

葉子雲青田人正統間閩寇竊發沐溪等處皆為

巢穴朝廷命都御史陳詔討之子雲詣軍門請曰子雲能以寸舌退此賊不煩寸兵為也遂

受

金忠

字尚義麗水人天順甲申進士授監察御史

所至震聳值星變疏陳三事皆人所不敢言者事侵權貴中傷繫獄謫戍遼東怡然就道杜門著書有甕天稿及東甌童子吟忠同榜進士盧璣字舜用松陽人廷策萬言切中時弊李賢當國欲羅致之不屈上疏請正宮闈名分不報復抵權奸謫戍銅鼓汪直臨邊諷使見之璣曰此膝不屈于人久矣益厲志理學其闢元劉謐三教平心論可與佛骨表並垂不朽人誦其風節云

鄭宣

字士達麗水人弘治癸丑進士以行人選御史綽有風裁抗禮逆瑾謫興化推官多善政

陞江西僉事禦寇有功進階叅議乞歸著有宋元綱目愚管郡誌補遺右秬遺芳等集

李瑜

字良卿縉雲人正德進士累官司司空司寇郎初誠意伯奪爵被誣瑜抗疏力陳開國功始

克復陞鳳陽知府告歸邑有大

周華

字斯榮松陽人以賢良方正知武安會朝命覈實定賦乃與簿議武安土瘠賦重則傷民

命遂實封以聞執政謂其變亂成法下獄治之有旨問所言出于簿乎對曰臣獨為之簿署名耳竟坐法後武安直衛士千餘伏闕呼救上感悟復其官拜兵部郎中

應檟

字子材遂昌人學問純正才識練達嘉靖丙戌進士授刑部主事歷郎中奉使南直隸恤

刑平反獄囚全活者衆出守濟南歷常州寶慶辰州卓有風力冢宰許讚稱其為天下知府第一擢湖廣提學副使累遷山西巡撫會北邊未靖即先諸鎮入援朝廷嘉之錫以燕賞陞兵部侍郎總督

兩廣以征七山勞瘁卒于官贈兵部尚書遣官祭葬所著有慎獨錄讞獄稿大明律釋義行世

李鍵

字廷守縉雲人嘉靖進士初任繕部董殿工勤廉夙著晉光祿少卿疏歸省親乞比請告

例作缺為三年限不仍舊例關俸載吏部職掌為
 規又杭疏穆宗陳職守十事頓革靡濫擢南納言
 以侃持宗藩事儀忤權要左遷時應天巡撫海忠
 介公雅符志行疏乞守蕪值歲凶設法賑饑革置
 風變侈習有飲吳水之謠入覲無所餽遺因議官
 屬復忤執政遷長蘆使撫竈釐弊水蘖自持至
 今商人春秋祀之晉四川大叅念親老歷疏乞養
 歸日優游山水間卒年九十有一所著有賜養堂
 詩集

李鋹

字廷新縉雲人萬曆進士任比部執法平允
 比艱歸哀毀盡禮服闋補職方郎巳丑分考

督學粵西竝稱得人總憲山東倭寇釜山簡任淮
 楊巡撫時權使四出民心動搖兩疏以去就爭時
 論危之屹不少動後晉司寇及御史大夫三掌邦
 計中外翕然卓有古大臣風年九十餘慙皇遣使
 存問卒贈太子
 太保諡貞肅

李寅

字敬之縉雲人清廉鯁直由進士歷官多治
 績任廣西布政立石自誓時應得羨餘一十

三萬解部無私告歸行橐蕭然壽百餘終日書紳
 云身既許國生無補恨不除奸死不休其忠貞類
 此著賜谷
 空音行世

程必進

字以序松陽人喪父雲衢哀瘠毀形思慕
 不已尤精于易著河圖衍義四方師焉崇

禎時以貢授贛州訓兩臺重其才題授郡丞適大
 兵圍城語其子矩曰臨難母苟免得與封疆俱亡
 幸矣矩對曰吾父以忠報君兒即
 當以孝報父城破父子俱死之

孔教

字庭授處州衛人襲衛指揮廕 王師下括
 蒼死于武林市先一日袖絕命辭與守者辭

曰生既盡倫死亦完節彷彿百代之儀型嚴千秋之
 袞鉞嗚呼取義成仁庶幾乎聖賢之事業其友李
 孟韜攜其柩
 葬于筆架山

皇清吳詒功

慶元人康熙乙卯耿逆陷慶城與同邑

吳壽男從吳陳仁起義兵死難 欽賜
優恤詔功廕子顯宗壽
男廕子嬰捷皆千總

... 吳詒功 慶元人 康熙乙卯 耿逆陷慶城 與同邑 吳壽男 從吳陳仁 起義兵 死難 欽賜 優恤詔 功廕子 顯宗壽 男廕子 嬰捷皆 千總

